

ርኢሰ ኢሰያስ አፍወርቂ ምስል ፍንቱይ ልኡክ ሕኩመት ኢጣልያ ሆድገ



ርኢሰ ኢሰያስ አፍወርቂ፡ የም 24 ጁን አልዐሰር፡ እብ ወዘር መአሰሳት ወወጠንያይ ፈርያት-አዶልፎ ኡርሶ ለትመረሐ ፍንቱይ ልኡክ ሕኩመት ኢጣልያ እንዴ ትከብተ ሆድገ ምስሉ።

እትሊ እት ዲዎን ደንደን ለገአ ሆድግ፡ ርኢሰ ኢሰያስ፡ ኤረትርያ ወኢጣልያ ምስል በንተ ዕላቀት ተእራካይት፡ ዝያረት ናይ እሊ ፍንቱይ ልኡክ አህምየት ዐባይ ክምሰልበ እት ሸርሕ፡ ሕኩመት ኢጣልያ እሊ ምስዳር እሊ ምን ነስአ ሐምዴሁ ቀደመ።

እብ ኸሰሰ እስትራቴጂያይት ስያሰት ተጠወር ሕኩመት ኤረትርያ እብ መጃል-መጃል ወመራሕል-መራሕል፡ ክምሰልሁ-መ እግል ፊራሮ ወመትዓዎን ሸራክት ናይ ክልኢተን ለድወል ለኸሰስ መጃላት፡ አግደ ህዬ ጣቀት ወአመትመዳይ፡ ብንየት ተሕትየት ጸረጊት ወሚናት፡ ጠወርት አርዛቅ ማይ ወርዘቅ ዓሳ፡ ክምሰልሁ-መ ሐርስ ወተሰዲር እተይ ወብዕድ እብ ተፋሰል ለሸርሐ ርኢሰ ኢሰያስ፡ ዶር ኢጣልያ እትሊ መጃል እሊ ወደሐ።

ወዘር አዶልፎ ኡርሶ እብ ተራቱ፡ ዝያረቱ፡ አተላላይ ናይላ እት ፍንጌ ርኢሰ ኢሰያስ ወርኢሰት ወዘራእ ጆርጅያ ሚሎን ለገአ ሆድግ ክምቱ እት ሸርሕ፡ ክልኢተን ለድወል እብ ሸራክት እግል ልክደመ እቱ ለቅድረ አካናት እቱ ዝያረት እግል ሊዴ በርናምጅ ክመልሱ ሸርሐ።

እተ ሆድግ፡ እብ ጀህት ኤረትርያ ወዘር ኻርጅየት አሰይድ ዑሰማን ሳልሕ፡ ወዘር ተጃረት ወሰናዕት አሰይድ ነስረዲን መሐመድ ሳልሕ፡ ክምሰልሁ-መ መስኡል ሸኡን እቅትሳድ ጀብህት ሸብየት እግል ደሞቅራጥየት ወዐዳለት አሰይድ ሐጎስ ገብረሂወት፡ እብ ጀህት ኢጣልያ መስኡል መጅልስ ወዘራእ ፊዴራላ ኣይክቤርግ ወሰፊር ኢጣልያ እት ደውለት ኤረትርያ፡ ማርኮ ማንቺኒ ኣድራም ዐለው።

እሊ ክእነ እት ህሉ፡ ርኢሰ ኢሰያስ እግል ሕሸመት ፍንቱይ

ልኡክ ኢጣልያ ዐዘመት ድራር ወደ።

ዝያረት ፍንቱይ ልኡክ ኢጣልያ፡ አተላላይ ናይላ ርኢሰ ኢሰያስ አፍወርቂ ምን የም 28 ጁንዎሪ አስክ 8 ፊብርወሪ 2024 እት ኢጣልያ ለወደየ ዝያረት ወምሰል ርኢሰት ወዘራእ ጆርጅያ ሚሎን ለብኡቶም ሰብ-ሰልጠት ለወደየ ሆድግ ቱ።

ርኢሰ ኢሰያስ አፍወርቂ፡ እብ ዐዘመት ሕኩመት ኢጣልያ፡ “አሳሰ እግል ናይ ሕበር ዐቦት” እብ ትብል



እት የም 28 ወ29 ጁንዎሪ እት መዲነት ሮመ እተ ገአ ወዕላ ሚርሐት ድወል አፍሪቅ ወኢጣልያ ክምሰል ሻረክ ለልትዘከር ቱ።

ለወፍድ ፡ 25 ጁን ምን ገጽ ፈጅር ዲብ ምዴርየት ድባርወ እተ ህለ አካናት ዐማር፡ ገበይ ባቡር ኤረትርያ ወብዕድ መአሰሳት እቱ ዝያረት ወደ።

እትሊ እብ ወዘር ካርጅየት አሰይድ ዑሰማን ሳልሕ፡ መስኡል ሸኡን እቅትሳድ ጀብህት ሸብየት እግል ዲሞቅራጥየት ወዐዳለት አሰይድ ሐጎስ ገብረሂወት ወወዘር ትጃረት ወሰናዕት አሰይድ ነስረዲን መሐመድሳልሕ እንዴ ትተለ ለወደየ ዝያረት፡ ከዛን ምሰላም ወምሰሉ ለትገይሰ ብንየት ትሕትየት ወመሸርዕ ሐርስ ሐልሐሌ ገንሐ።

እትሊ ዝያረት መመቅርሓይ ሸቅል መአሰሰት ዘርእ ወንዎይ ሚጅር ክብረኡብ ኡብርሃም ወሰብ መቅደረት ናይላ መአሰሰት፡ እብ ሰበት አህምየት ከዛን ምሰላም

ዝክረት ሐበን አምዕል ሹሀደ ኤረትርያ እት ዓሲመትነ



ጁን 20 አምዕል ሹሀደ ኤረትርያ የም ዓመት - 2024፡ እት መዲነት አስመረ ሰዕት ሰቡዕ አስቡሕ ምን ሻርዕ ሹሀደ ሐቆለ ገብአ ሄራር፡ ዲብ መቅብረት ሹሀደ አሰመረ እተ ገብአት ዓደት ረስምየት፡ ርኢሰ ኢሳይያስ አፍወርቂ ፡ እግል ሕሸመትላ ቤዘ ወጠን ወሸዐብ ለሐልፈው ፋራስ አክሊል ዕምቦብ ከረ።

አሴራር ሸምዕ ምን ሻርዕ ሹሀደ እብ ሻርዕ ሕርየት አስክ ሚዳን ሄለል ሰብተምቦር ሐቆ ሄረረ፡ እግል ቃልየት አምዕል ወአማነት ሹሀደ ለትዳለ በራምጅ ዓዳት መብሸር ትቀደመ።

ኣክም አቅሊም ምግብ አሰይድ ፍሰሃይ ህይሌ እተ አስምዐየ ከሊመት፡ አማነት ሹሀደ ለረፍዐ አጅያል ሸብ ወወጠን ከም ቀሰኖ ዋዲ ክም ህለ እንዴ ሐበረ፡ “ሸብ ረህየት ታመት እግል ልርኩቤ አዜመ አማነት ሹሀዳን እብ ፍዕል እግል ነኣትምም ወነሐሸም ገለድነ እብ ድግማን ነሐድሰ ቤለ።

20 ጁን ሰዕት 1:00 አድህር እብ ተለፍዘየን ኤረትርያ ወክርን ገበል ኤረትርያ መብሸር ለትመረሐት፡ እት ዐድ ወእት ክለ ዐለም ለህለው ኤረትርያን ናይ ሐቱ ደቂቀት ዝክረት ሹሀደ ወደው።

ሐቆ እሊ ውቁላም ሰብ-ሰልጠት ሕኩመት ወጀብህት፡ ቅያደት ዲሸ፡ ሚርሐት ደያናት፡ ዲብ ኤረትርያ ለመርከዞም ዲፕሎማሲዩን ወእብ ኣላፍ ለልትዐለቦ ስካን አሰመረ ዲብ ሐድረው በራምጅ፡ ተርጅመት እስትሸሃድ ወዝክረት 20 ጁን ለሸርሕ በራምጅ ፈን ትቀደመ።

ምሴት19 ጁንም እተ ዓሲመት እብ ፍርቀት ማርሻት ለትመርሐ ዐሰርታት ኣላፍ ሸብ ለኣሻረክ

ርኢሰ ኢሳይያስ፡ አሰክ ርኢሰ ጅምሁርየት ግብለት አፍሪቅ ሲሪል ራማፎዛ ልእከት አሰናይ ነድኦ

ርኢሰ ኢሳይያስ አፈወርቂ፡ ርኢሰ ሲሪል ራማፎዛ - ጅምሁርየት ግብለት አፍሪቅ ካልኦ-ውካን እግል ልምራሕ ሰበት ተሐረ፡ እብ ሰሚት ሕኩመት ወሸዐብ ኤረትርያ ክምሰልሁ-መ እብ ሰሚቱ፡ ልእከት-አሰናይ ነድኦ።

ርኢሰ ኢሳይያስ ዲብ ልእከቱ፡ ርኢሰ ሲሪል ራማፎዛ ካልኦ-መረት ሰበት ተሐረ ተጠውር እቅትሳድ ወቴክኖሎጂ ጅምሁርየት ግብለት አፍሪቅ፡ ክምሰልሁ-መ አተረዶት ዕላቀት ወመትሰዳዳይ ኤረትርያ ወግብለት አፍሪቅ ፍገራት ክም ወዴ፡ ለቡ ደማነት ሸርሐ።

ዲብ ደንገብ፡ ርኢሰ ኢሳይያስ፡

እግል ርኢሰ ሲሪል ራማፎዛ ታመት ዓፍየት ወዲብ ሸቅሉ ሰርገል፡ እግል ሸብ ጅምሁርየት ግብለት አፍሪቅ ህዬ ሰላም ወተጠውር ተምነ።

ወድ 71 ሰነት ርኢሰ ሲሪል ራማፎዛ፡ ካልኦይ ናይ-ሐምሰ-ሰነት ውካን እግል ጅምሁርየት ግብለት አፍሪቅ እግል ልምራሕ፡ እት የም 19 ጁን ቀሰም ከረ።



ዝክረት 20 ጁን - አምዕል ሹሀደኛ ኤሪትሮፕ እት አቃሊም

አቃሊም ዐንሰበ

እብ ደረጃት አቃሊም ዲብ መዲኒት ከረን እትላ ገብእ በርናምጅ-ዝክረት፡ እት የም 19 ጁን ምሴ ሸዕብ ወዲሽ ለሻረከ ዲቡ አሴራር-በሪህ ሸምዕ ገብእ እት ህላ፡ ለትፈናተየ ፍረቅ-ዐዳት ለሻረከየ ዲቡ ዕፌ-ዐዳት ቀርቡ።

ዲብላ በርናምጅ-ዝክረት፡ ምዲር ዓም ቅሰም ዓዳት ወርያደት አሰይድ ሰራጅ ሐጃ፡ ሸዕብ እብ ድዋር-ድዋሩ እግል ዝክረት ሹሀደኛ ለወድዮ ወራታት፡ ቃልየት ተርጀመትለ አምዕል ለሸሬሕ ክምቱ እንዴ ሐበረ፡ መሻረከት

ሸዕብ ወዲሽ ሐመደ።

20 ጁን ገጽ-ፍጅር ህዩ፡ ሓክም አቃሊም ዐንሰበ ሰፊር ዐብደላ ሙሰ ወቃኢድ ቅያደት ዲብ-ሸዕብ ብርጋዳር ጀነራል ተክሌ ልብሱ ለልትረከቦ እቶም ሰብ-ሰልጠት ሕኩመት ወጀብህት ክምሰልሁመ እብ አላፍ ለልትዐለብ ሸዕብ ወዲሽ፡ እስክ አቅብር ሹሀደኛ ሄራር እብ-እገር ወደው።

ዲብላ በርናምጅ-ዝክረት፡ ሰፊር ዐብደላ ሙሰ እት መቅበረት ዕምቦብ ከሬ እት ህላ፡ ናይ-ሕሸመት

ሙሻርከት ዕጩይ ሹሀደ ሸትለው።

ሰፊር ዐብደላ እትላ አሰመዐየ ከሊመት፡ 20 ጁን እግልነ እግል ኤሪትሮፕ ፍንቲት አምዕል ሐበን ክምተ እንዴ ሐበረ፡ እግል ሹሀደኛ ዲብ ንትዝከር እማነቶም እብ ፍዕል እግል ነአሰብተ መሰኡልየት ወጠንየት ክም ብነ ሸርሐ።

እለ ምዕል ሐበን እት አቃሊም ዐንሰበ እግል ዓይላት ሹሀደኛ ወውላድ ሹሀደኛ እብ ሰዲ፡ እብ ሸቲል ዕጩይ ወለትሸተለ እብ ሹቀሮትም ክም ትዝከረት ልትአመር።

አቃሊም ጋሽ-በርከ

እት አቃሊም ጋሽ-በርከ፡ 20 ጁን - አምዕል ሹሀደኛ፡ ዲብ 16 ምዲርየት እብ ወራታት-ኬው፡ ሰድየት ዐኢለት ሹሀደኛ ወዕፌ-ፊን እብ ሐበን ክም ትዝከረት፡ ወካይል ኤሪነ ሐበረው።

እብ አላሰ እለ፡ እብ መዐወነት ቅሰም ዓዳት ወርያደት ፈሬዕ መሕበር ወጠን ሸዕብ ወደረሰ ኤሪትሮፕ ለትዳሉ፡ ቀላየት ሕርየት ወእስትቅላል፡ ክምሰልሁመ ፈራሰት ሹሀደኛ ለሸሬሕ ዕፌ-ፊን፡ እት የም 18 ጁን ዲብ ሐ'ረት እዳረት አቃሊም ቀርብ እት ህላ፡ ሸዕብ፡ ዲብ ወሸቃለ ሕኩመት ለሻረከው ዲቡ ወራታት ኬው ህዩ ገብአ።

እት የም 19 ጁን ህዩ ዲብ ባረንቶ፡ እብ አላፍ ለልትዐለብ ሸዕብ ወዲሽ ለሻረከ ዲቡ፡ እብ ሐክም አቃሊም ጋሽ-በርከ ሰፊር መሕመድ ዐሊ ሕሩይ ወቃኢድ ቅያደት ምውዳቅ ጸሐይ ብርጋዳር ጀነራል እቶብ ፍሰህዩ ለትመርሐ በራምጅ አብርሃት ሸምዕ ወዝክረት ገብአ። ፍርቀት ዓዳት ክፈል ዲብ 35 ምዕልላ ዝክረት ለለደምቅ በርናምጅ ቀደመት።

ሰክረቴር ጀብህት ሸዕብየት አግል ዲሞቅራቶየት ወዐዳለት ዲብ

ምዲርየት ባረንቶ አሰይድ ዳኤል አብርሃ እትላ አሰመዐየ ከሊመት፡ 20 ጁን - እማነት ሹሀደኛ ዲብ አትመሞት ለሄረርናሁ እንዴ ጌመም፡ ቀልነ እግል ሰቡል ሸቅል ለእንጅድድ ዲብ አምዕል ክምተ እንዴ አሸርሐ፡ እግል ሰዳይት ዓይላት ሹሀደኛ ልትነሳእ ለህላ መባደራት ዝያድ እግል ልትክደም ዲቡ ተሐሰቡ።

እት የም 20 ጁን እትላ ገብእ በርናምጅ-ዝክረት ህዩ፡ ሓክም አቃሊም ሰፊር መሕመድ ዐሊ ሕሩይ፡ ቃኢድ ቅያደት ምውዳቅ ጸሐይ ብርጋዳር ጀነራል እቶብ ፍሰህዩ ወሰክረቴር ጀብህት ሸዕብየት እግል ዲሞቅራቶየት ወዐዳለት ሰፊር መሕመድ ዐሊ ጁብራ ለልትረከቦ እቶም መሰኡሊን፡ ዲብ አካን መቅበረት ምሕርቡት ባረንቶ ዕምቦብ ከረው።

ምዲር ምዲርየት ባረንቶ አሰይድ ተሰፋ-አለም ባህተ እትላ ሓለፊየ ልእኩን፡ 20 ጁን - ሰዋልፍ ሸራህደኛ እንዴ አዝርኪን ዲብ ገለድን እግል ንሰበት ለተአትፋቅድ፡ እብ ዕጹፍ እግል ንክደም ህዩ ገለድ ለእንበይእ ዲብ ቃልየት አምዕል ክምተ ሸርሐ።

ግብለት በሐር ቀየሕ



እት አቃሊም ግብለት በሐር ቀየሕ እት የም 19 ጁን፡ ሐክም አቃሊም ሰፊር መሕመድ-ሰዲድ መንታይ፡ ቃኢድ ቅያደት ምፍጋር-ጸሐይ ብርጋዳር ጀነራል አብርሃም ዐንደም ለመርሐው ወሸዕብ ወዲሽ-ብዙሕ ለሻረከ ዲቡ አሴራር በሪህ ሸምዕ ገብእ እት ህላ፡ ተርጀመት ወቀላየት እስትሸህድ ለሸሬሕ ዕፌ-

ዐዳት እብ ፍርቀት ዐዳት ንሰሪ ናይ ቅያደት ምፍጋር-ጸሐይ ቀርቡ።

እት የም 20 ጁን ህዩ፡ ምን ዐሰብ እንክር ቅብለት ሐድ 15 ኪሎ-ምትር እንዴ ሬመት ለህሌት አካን መቅበረት ሹሀደኛ ለገብእ ሄራር-ዝክረት ለአሰተብደ በርናምጅ-ዝክረት፡ ለአምዕል

ለሸሬሕ ጽባዮ-ፊን እቡ ናይር ዐሊ።

ዲብላ በርናምጅ፡ ሰፊር መሕመድ-ሰዲድ መንታይ እብ ሰሚት ሸዕብ ወዲሻረት አቃሊም፡ ቃኢድ ቅያደት ምፍጋር-ጸሐይ ብርጋዳር ጀነራል አብርሃም ዐንደም ህዩ እብ ሰሚት ውሕዳት ቅዋት ድፋዕ ናይላ ቅያደት፡ ዲብ አካን መቅበረት ምሕርቡት ዕምቦብ ከረው።

ሰፊር መሕመድ-ሰዲድ መንታይ ዲብላ አሰመዐየ ከሊመት፡ 20 ጁን - እግል ዝክረት ሌጠ ለት-ዝክር አምዕል እንዴ ኢትገብእ፡ እማነት ሹሀደኛ እግል አትመሞት ለሰርገልናሁ በራምጅ ጌማም ለእንወዴ ዲብ ወእግለ ተሌ ሄራር ዝያደ ቅውት ወመቅደረት ለእንወሰክ ዲብ ክምተ እንዴ ሸርሐ፡ “ዝክረት የም-ዓመት፡ እግል ብዙሕ-አገጽቱ ዋይዲባት ወመቃወማት እንዴ ጋባህ፡ መናበረት ሸዕብነ እግል ነአትሐይስ ዲብላ ትብገሰን ዲቡ ሰበት ገብእ ህላ፡ እግል ወራታትነ ሐለት ለወሰክቱ” ዲብ ልብል ሸርሐ።

እለ ክእን ዲብ እንቲ፡ 20 ጁን - ዲብ ምዲርየት፡ እዳራት ደዋዬሕ ወደገገት አቃሊም ግብለት በሐር ቀየሕ፡ እብ ለትፈናተ ጽባዮ ክም ትዝከረት፡ ወካይል ኤሪነ ሐበረው።

አቃሊም ግብለት

እብ ደረጃት አቃሊም ግብለት “20 ጁን አምዕል ሐበን” እብ ትብል ሰቅራት ዲብ ተምሳል ሹሀደ መንደፈረ ትዝከረት።

እት የም 19 ጁን አምሱይ እብ አላፍ ለልትዐለብ ሸዕብ ወዲሻረት ቅዋት ድፋዕ ለሻረከው እቲ አሴራር ሸምዕ ፡ ሸዕለት ሹሀደ እንዴ አብርሃው ወዕምቦብ ዲብ ተምሳል ሹሀደ እንዴ ከረው እብ በራምጅ ፈን አትመመው።

ሙዲር ምዲርየት መንደፈረ አሰይድ ህዝቅያስ ውህበት እት አሰምዐየ ከሊመት፡ ጀላብ ሕርየት ወሰያደት ለአሰተሸህደው ፍራሰ ሹሀዳ፡ ለሐድገው እነ አማነት እብ

ካድም እግል ትትመም አትፋቀደ።

እብ ጀህት ብዕደት፡ ዲብ የም 18 ጁን እብ መዓወነት ቅሰም ዓዳት ወርያደት ወማሕበር ወጠን ሸዕብ ወደረሰ አቃሊም ግብለት ለትዝመ በራምጅ ዝክረት ሐልየት ዲብ መንደፈረ ቃዕት ኩዶ ሕምባሽ ትቀደሙ።

እት እብ ሸምዕ ለትተለ በራምጅ እብ ሸዕብ ለፈረ ናይ ዓዳት ወፈን ጽባዮ ትቀደሙ።

እምበል እለመ 20 ጁን አምዕል ሹሀደ ዲብ 12 ምዲርየት አቃሊም ግብለት እብ አሴራር ሸምዕ ውብዕድ በራምጅ ክም ትዝከረት ወካይል ኤሪነ ሐበረው።



ሄደተርፕዕ ጸላእ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድረሰ

ለይአውት ወአርተገት
* ዘሀረ ዐሊ
* ፋዋነ አድም

ተለፎን፡ 121797/07121322
ፋክሰ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

ዘክረት 20 ጁን እት አቃሊም ቅብለት በሐር ቀየሕ



እብ ደረጃት አቃሊም ዲብ ዮም 19 ጁን እት መዲነት ባጽዕ ምን ሲነመት ስጋላት አሰክ ተምሳል ሹብደ ሞሞለት ዲብ ገብእ አሴራር ሸምዕ፡ ሓክመት አቃሊም ቅብለት በሐር ቀየሕ አሰይደ አሰመረት አብርሀ፡ ለብእቶም ሰብሰልጠት ሕክመት ወጅብሀት ክምሰልሀመ ሸብብ መዲነት ባጽዕ ወአንፋር ቅዋት ድፋዕ ሻረከው።

ዮም 20 ጁን ምን ገጽ ፈጅር ህዬ ሰካን መዲነት ባጽዕ፡ ሸቃለ ሕክመት፡ ወአንፋር ቅዋት ድፋዕ ኤረትርዮ ወብዕዳም ለሻረከው እቲ ሄራር ምን ሕግምሎ አሰክ መቅበረት ሹብደ ገብእ። ሓክመት አቃሊም ቅብለት በሐር ቀየሕ አሰይደ አሰመረት አብርሀ እት መቅበረት ሹብደ ጭቅመት ዕምቦብ ሐቀ ከሬት፡ ዲብ

ሓሰራተ ልእከት፡ ገለድ ሹብደን እብ ፍዕል ወደሚር ለለአረፍዑናተ አማነት ክም ተ እንዴ ሐብረት፡ እብ ዐማር ወሕሸመት ሲያደት ፈኮም እግል ንፍደዮም መስኡልየት ክል ምዋዋን ክምተ አፍሀመት። እት ክልኤ ለመናሰበት ናይ ዓዳት ወፈን በራም ትቀደመ። 20 ጁን ዲብ ክሉ አቃሊም ቅብለት በሐር ቀየሕ እብ አሴራር ሸምዕ ወኬው፡ ሰዳይት ዓይላት ሹብደ ወብዕድ፡ ወራታት ክም ትዘክረት ወካይል ኤሪነ ሐብረው።

20 ጁን፡ ዲብ ካርጅ እብ ሐብን ትዘክረት

20 ጁን - አምዕል ሹብደእ ኤርትራዮ፡ “ወጠን ዲብ ክቡድ ዝክረት-ሐብን” እት ሐንቴለ ትብል ስቅራት፡ ዲብ ለትፈናተየ ድወል እብ ሐብን ትዘክረት። ዲብ መዳይን ርዶድ፡ ጀደ ወአንግሰ - ሰዕድዮ፡ እደውሐ - ቐጠር፡ ቱርኪ፡ አቢጃን - አይሹሪነት፡ ካይሮ - መስር፡ ላሲ-ጅጋሰ - አሜሪካ፡ ክምሰልሀመ አቡደቢ - ኢማራት ለነብር መዋዋኒን፡ ሸምዕት እንዴ ወለዐው ወጽቦብ-ፈን እንዴ አትዳለው ሹብደም ዲብለ ፈቅደው ዲብ፡ እብ መትሰባል እማነቶም እግል ለአትምዋ ገለዶም አጀደደው። ዲብለ እብ እንክር-እንክር ለገብእ በራምጅ-ዝክረት፡ መሕበር-ጃልየት አቡደቢ 8,817 ደርሀም፡ አንፋር መሕበር-ጃልየት ጀደ ህዬ መስኡልየት ራዕዮት 115 ዐኢላት ሹብደእ ረፍዮ እት ህለው፡ 2,700 ርዶል ትበርዐው። እሊ እብ ሹብደ፡ ዲብ አንግሰ - ሰዕድዮ ለነብር ኤረትርዮን መስኡልየት ርፍዐት ሐምስ ዓይላት ሹብደእ ነስኦ እት ህለው፡ አንፋር መሕበር ጃልየት ረዶድ ወድዋረ 13,652 ርዶል እግል ረዘቀት ሰንዱቅ እማነት ሹብደ ትበርዐው 50 ዓይላት እግል ልርፍዮ ገለድ ብይአው። እምበል እሊ፡ መሕበር ጃልየት ቀጠር እትለ ነዘመዮ በርናምጅ ዝክረት፡ 11,400 ርዶል ወ300 ዶላር፡ አንፋር ጃልየት ኤረትርዮን ዲብ መስር 28,350 ፓውንድ መስር ወ1360 ዶላር፡ ሰካን ላሲ-ጅጋሰ - ወላየት አሜሪካ ህዬ 36 አልፍ ዶላር ልትበርዮ እት ህለው፡ መስኡልየት ርፍዐት ናይ 80 ዓይላት ሹብደእ ነስኦው። ኤርትራዮን ሰካን ዝያድ 30 መዲነት ጀርመን፡ ቦስኒን - ማሳቹሰተሰ ወድዋረ - አሜሪካ፡ ጁቡ አዊል፡ ባንቲዮ፡ ኒሙሴ ወያምብዮ - ጅምሀርዮት ግብለት ሶዳን፡ ጅህንሰበርግ - ግብለት አፍሪቃ፡ ዱባይ፡ ኢማራት፡ ዋሽንግተን/ሲያትል - አሜሪካ፡ ለንደን፡ ስቡትላንድ፡ ማንቸስተር፡ በርሚንግሃም፡ ሊድስ፡ ሸልልድ፡ ሌስተር ሲቲ፡ ኒውካሰል፡ ሊቨርፑል፡ ናቲንግሃም፡ ኮቨንትሪ፡ ብሪስቶል፡ ካርዲፍ፡ ዋክሰልድ፡ ሚድልስብር፡ ሳውዝምፕተን ወኒልቶንካይነስ - ብሪጣንዮ፡ ክምሰልሀመ መዳይን ድወል ሰካንዲኔቭየ ዲብለ ነዘመወ በራምጅ ዝክረት፡ እማነት ሹብደእ እግል ለአሰብቶ ገለዶም ጀደደው። ለበራምጅ ዝክረት፡ ሸምዕት-አብርሀት፡ ሄራር-እብ-እግር ክርየት-

ዕምቦብ ወለትፈናተ በራምጅ ዕፌ-ዓዳት ለከምከመ ዐለ። ኤርትራዮን ሰካን ቦስኒን - ማሳቹሰተሰ ወድዋረ እግል ሰዳይት ዓይላት ሹብደ ዝያድ 22,000 ዶላር ልትበርዮ እት ህለው፡ ዲብ ጅህንሰበርግ ወድዋረ - ግብለት አፍሪቃ ለነብር ህዬ 25,500 ራንድ እንዴ ትበርዐው፡ 35,500 ራንድ እግል ለትዕፋ ገለድ ክም በይአው ወሐምስ ዓይላት ሹብደእ እግል ልርፍዮ መስኡልየት ክም ነስኦው፡ ለበጽሔነ ከበር አፍሀመ። ዲብ መዲነት ስቶክሆልም - ሰዊድን ለነብር ኤርትራዮን ክም አተላላይ ናይለ እት ክል-ሰነት ለወድወ እት ራዕዮት ዓይላት ሹብደእ ለልውዕል ዝያድ 60 አልፍ ክርኅር ሰዊድን ትበርዐው። መክተብ ሰፋረት ኤርትራዮ ወመሕበር ጃልየት ኤርትራዮን ሰካን ናይሮቢ - ኪንዮ፡ እት ዮም 20 ጁን ሄራር እብ እግር እንዴ ወደው ወሸምዕ እንዴ አብርሀው ሹብደም ትዘክረው። ዲብለ ምዕል፡ ሰፊር በዩኔ ርእሶም ቀላየትለ አምዕል ለትሸሬከ ከሊመት ለአሰምዕ እት ህላ፡ ናይ ዶላ መስኡል መሕበር ጃልየት አሰይድ ዳዊት ሐጎስ ህዬ፡ 20 ጁን - እማነት ሹብደነ እግል ነአትምም ለተአትፋቅድ አምዕል ክምተ እንዴ ሐብረ፡ ወቅል መሻረከት ሸብብ ሐመደ። ቀላየትለ አምዕል ወተርጀመት እስትሸሃድ ለለአርኤ ዕፌ ፈን ህዬ ቀርቡ። ዲብ አዲስ አበባ ለገብእ በርናምጅ ዝክረት ህዬ፡ መትምማይ ቀድያት ሰፋረት ኤርትራዮ ዲብ አቶብዮ ወዳይም ወኪል ዲብ እተሐድ አፍሪቃ ወኮሚሽን እቅትሳድ አፍሪቃ አሰይድ ቢንያም በርሄ፡ እብ ቃሊ እስትሸሃድ ለመጽአት ሕርየት፡ እብ ቃሊ እስትሸሃድ ክም ሰብተት እንዴ ሸርሐ፡ ሸብብ ኤረትርዮ እግል እሊ እብ ዐውል-ቃሊ ለረክበዮ ህያብ ሹብደእ፡ እብ ትርድት ወሕደቱ ወኤማኑ እንዴ ሐፍዘዮ ፊናሆም ለተምም ክም ህለ ወድሐ። ዲብ ለሳካ ለትዝመ እሊ ለሸብህ በርናምጅ ህዬ፡ መስኡል ጃልየት ኤረትርዮን ዲብ ዛምብዮ እትለ አሰመዐዮ ከሊመት፡ “ሹብደእን ዲመ እት አልባብ ቶም፡ እማነቶም አትመሞት ህዬ መስኡልየት ክልናቱ” እንዴ ቢል፡ ዓይላቶም እግል ልሰደው ወሰንዱቅ እማነት ሹብደእ እግል ልረዘቀ ለሰምቱ መዳሊት አከደ። እት ለትፈናተየ መዳይን

ሰዊዘርላንድ፡ ቺካጎ፡ አክላንድ ወሃሪሰቤርግ- አሜሪካ፡ ክምሰልሀመ ሸዬና ወሊኒዝ- አስትርያ ለነብር መዋዋኒን፡ ፊድል ወጠን ወሸብብ ፍዘ ለገአው ሹብደ እብ ሕሸመት ፈቅደው። እት ሰዊዘርላንድ- መዳይን ጅኔቫ-ቤርን፡ ባዝል፡ ሴንጋሊን፡ ሴሎኔርን፡ ሉዚርን፡ ጁረ ወኩር ምን 19 አሰክ 23 ጁን ለትዝመ በራምጅ ሐብን፡ አቅረሐት ሸምዕ፡ ሄራር እብ እግር፡ ክምሰልሀመ ጽቦዋ ወራት ፈን ሸምል ዐለ። መሻርከት፡ መትዛምም እንዴ ወሰዐው መሻረከቶም ክም ለአዘይዶ እት ለአክዶ፡ ሰካን ጅኔቭ 3,200፡ ሰካን ቤርን 2,200 ፡ ሰካን ባዝል 9,310፡ ሰካን ሴንጋሊን 2,210፡ ሰካን ሉዛ 6,000 ወሰካን ሉዚር 6,200 ፍራንክ እግል ረዘቀት ሰንዱቅ እማነት ሹብደ ትበረዐው። እምበል እሊ፡ እት ቤርን ለነብራ 25 ዓይላት አርትርዮን፡ 21 ዓይላት ሹብደ እግል ልርፈዐ 14,400 ፍራንክ፡ እት ባዝል ለልትረከበ 12 ዓይላት አርትርዮን ህዬ 12 ዓይላት እግል ልርፈዐ 8,640 ፍራንክ ትበረዐዮ። እት ቺካጎ ወድዋራተ- አምሪካ ለነብር አርትርዮን እት ዮም 23 ጁን ሹብደም እብ ሐብን እንዴ ዝክረው፡ 36 ዓይላት ሹብደ እግል ልትሰደው 34,560 ዶላር እግል ለሀቦ ገለድ በአው። እት ኮሎምቦ- አሃዮ ወድዋራተ እት ገአ ሸባባት እብ ብዝሔ ለሻረከው እቲ በርናምጅ ዝክረት፡ ሰንዱቅ እማነት ሹብደ እግል ረዘቀት 3,900 ዶላር ተበረዓት ልትረከበ እት ህላ፡ 20 መዋዋን ህዬ መስኡልየት ራዕዮት 20 ዓይላት ሹብደ እግል ልርፈዮ ገለድ አተው። ሕድ እብ ሹብደ፡ ጃልየት መዲነት ሃሪሰበርግ- ፔንሴልቫንያ እት ዮም 22 ጁን እተ ወደው፡ በርናምጅ፡ 3,535 ዶላር እግል ራዕዮት ዓይላት ሹብደ እተይ ወደው። ሰካን መዲነት አክላንድ ህዬ፡ ሐድ 5 ኪሎ ምትር ለገልብብ አሴራር እብ እግር እንዴ ወደው፡ ሹብደም እብ ሐብን ዝክረው። ጃልየት አርትርዮን እት መዳይን ሸዬና ወሊኒዝ-አስትርያ መ እት ዮም 22 ጁን እተ ወደው ዝክረት፡ እብ ዐውል ቃሊ ለትረከበት ሕርየት ወደማን ለረክበት ሰደደት፡ እብ ዐማር እግል ትድመቅ ዶርም ክምሰል ለአዘይዶ አከደው።

ሰዳይት ዓይላት ሹብደ እብ መናሰበት 20 ጁን

አቃሊም ገሽ በርኩ ሰይዶ ዲብ ምዲነት ሰይዶ ለህለው ሸቃለ ናይ ለትፈናተየ መአሰሳት-ሕክመት፡ ምን ናይ ሸሀር ማህዮቶም እንዴ አትፍገረው እግል ሕገዛት ዓይላት ሹብደእ ክም ሰደው፡ ወኪል ኤሪነ ሐብረ። ዲብለ መናሰበት ለሐድረ መዲር ምዲርየት ሰይዶ አሰይድ ሰይዶ ገብራእየሱሴ ደዳም እብ ሸቃለ ሕክመት ለትፋገረት 180 አልፍ ናቅፈ 36 ዓይላት ሹብደእ ክም አትሐደረት እንዴ ሐብረ፡ ዮም ዓመት ለአትፋገረው 60 አልፍ ናቅፈ ህዬ እት 40 ዓይላት ሹብደእ ክም ትካፈለት ሐብረ። ነፈር መክተብ ዐመል ወመንገፎ እጅትማዕየት ሻብ ዐመር ዐሰማን እብ ጀሀቲ፡ ለመባደረት እንዴ ሐመደ፡ ለትገብእ ሰዳይት ዲብ መናሰበት ዓይላት ሹብደእ ዶር ሰኒ ክምበ አፍሀመ። እሊ እብ ሹብደ፡ ደረሰ መድረሰት ሳግም፡ እት ቀበት ክልኤ-ሰነት ለአትፋገረው 25,560 ነቅፈ እት 12 ዓይላት ሹብደእ ትካፈለት። ምን መመቅሐት - መምህር ዘርኡ ረዳእ እግል ኤሪነ እትለ ሀበዮ ሐብረ፡ ሀደፍ ናይለ ዲብ 2021 እብ ደረሰ ለአሰተብደ በርናምጅ፡ አጀኒት ሹብደእ ዲብ መድረሰት ለለአትሐዘዮም አላት-ምህር እግል ልርከቦ ወልትናየቶ ክምቱ ሐብረ። መስኡልየት መክተብ ዐመል ወመንገፎ እጅትማዕየት ዲብ ምዲርየት ሰይዶ አሰይድ ደሀብ ዩሱፍ እብ ጀሀቲ፡ ሰድዮት ዓይላት ሹብደእ ዲብለ ምዲርየት ክም ዓዳት ለሰብቀ ክምቱ እንዴ ሐብረት፡ ደረሰ እት ከብዶም ለህለው ሐምም እግል ልሰደው ለነስኦው መባደረት ሐመደት። አቃሊም ምግብ እት አቃሊም ምግብ፡ እብ መናሰበት 20 ጁን እብ አሳሰለ ገብአት ሰዳይት አግሩሽ፡ ሸቃለ-መደንደን ፈሬዕ ጀብሀት ሸብዮት እግል ዲሞቅራሚየት ወዕዳለት ምዲርየት ሰረጀቀ፡ ክምሰልሀመ ሰካን ምዲርየት ጎዳይፍ ወአኸርየ እግል 101 ዓይላት ሹብደእ 89 አልፍ ነቅፈ ሀበው። ለግሩሽ፡ 21 አልፍ ናቅፈ እብ አንፋር ሸቃለ መደንደን ጀብሀት ሸብዮት እግል ዲሞቅራሚየት ወዕዳለት ምዲርየት ሰረጀቀ፡ 20 አልፍ ናቅፈ እብ ሰካን ምዲርየት አኸርየ፡ 48 አልፍ ናቅፈ ህዬ እብ ሰካን ምዲርየት ጎዳይፍ ለትፋገረት ተ። እምበል እሊ፡ ዲብ ምዲርየት ፓራዲዞ ዮም ዓመት ወላደን አሰክ መድረሰት ዋርሳይ ይከአሉ -ሳው ለሳረሐ 14 ዓይላት ሹብደእ ክል-ምንን ክልኤ አልፍ ነቅፈ ሰዳይት ገብአት እለን። እብ ጀሀት ብዕደት፡ ዲብ ደገቢት እምበይቶ፡ ኮዳዱ ወጸሎት - ምዲርየት ጋላ-ኮፍሐ፡ እግል ዝክረት ሹብደእ እት ዮም 20 ጁን እግል ሸትል ለገብእ ሕፈር-ሐፊር ወጸራግ ጸርግዮታት-ረድምየት ለከምከመ ወራታት-ኬው ገብአ። ፊር፡ ደቀምሐሬ ወአቃሊም ግ/ብ/ቀየሕ ዲብ ምዲርየት ፊር ወደቀምሐሬ፡ እብ መናሰበት ዝክረት 20 ጁን ዝያድ 800 አልፍ ናቅፈ ሰዳይት እግል ዓይላት ሹብደእ ገብአት። እብ አሳሰ ለበጽሔነ ከበር፡ ዲብ ምዲርየት ፊር፡ ሸቃለ ሕክመት ወጀብሀት ወመሐብር ወጠን አቃሊም ቅብለት በሐር ቀየሕ ወምዲርየት ለአትፋገረው 114 አልፍ ነቅፈ፡ እግል ሕገዛም ዐኢላት ሹብደ ተሀየቡ። እት ዮም 19 ጁን እትለ ገብአት ዐደት፡ መመቅሐይ ሸቅል ናይለ ምዲርየት አሰይድ ፍሰህዬ ገብራሀርዮት ሸቃለ ለነስኦው መባደረት እንዴ ሐመደ፡ እለ ምስዳር-ሰይት ምን ሰነት 2019 ክም ሰዋልፍ እንዴ ትጸበጠት እብ ጅንሰ ወብዝሔ እት ትወሰክ ምጽአተ ለተሐብን ክምተ ሸርሐ። እሊ ክእነ ዲብ እንቲ፡ መክተብ ዐመል ወመንገፎ እጅትማዕየት ምዲርየት ፊር፡ ምን ኮሎን እዳራት ደዋይሕ ለትፋገረየ ሬፍዐት የታይም፡ ምስኩናም ወደገልል ለብዳደን 35 ዓይላት፡ ክል ምንን እብ ዐውል 10 አልፍ ነቅፈ እብ ንዋይ አትሐደረ። እብ ጀሀት ብዕደት፡ ሸቃለ ሕክመት ዲብ ምዲርየት ደቀምሐሬ ምን ማህዮቶም ለአትፋገረው 124,908 ናቅፈ፡ ዲብ 18 እዳራት ደዋይሕ እግል ነብረ ዓይላት ሹብደእ ተሀየቡ። እምበል እሊ፡ ሰካን ኮሎን እዳራት ደዋይሕ ምዲርየት 200,392 ነቅፈ እግል ሕገዛት ዓይልሰት ሹብደእ ሰደው። ክምሰልሀመ፡ ዲብ እዳራት ደዋይሕ ማይ-ወርቂ፡ ሰለሰ ሰብ ወዳይ-ሰን ላቶም መዋዋኒን 65 እም፡ ዲብ እዳራት ዳሕየት ሀዳሙ ህዬ ሴዕ እም አልበሰው። ዲብ አቃሊም ግብለት በሐር ቀየሕ ህዬ፡ ሐድ 700 ሰጃላም አንፋር ለህለው እግል መትዛም ሸባባት ሸቃለ፡ 120 አልፍ ናቅፈ ሰዳይት-ግሩሽ እግል ዐኢላት ሹብደእ ክም ወደ፡ ወኪል ኤሪነ ሐብረ።



መጅልስ አምን ወለዛልም ቀራራቱ ድድ ኤራትርየ (22ኛ ክፈል)

እብ ዶ/ር አሕመድ ሐሰን ድሕሊ

ወራር አቶብዩ እት ሶማል

ለእብ ዘዐት ርዕሰ ወዘረእ አቶብዩ መለስ ዜናዊ “አቶብዩ ምን ረሐ እግል ትዳሬዕ ሐቅ ምን ሐቅቃ ቱ” ልትብህል ለዐለ ሸሬሕ፡ እብ ፍንቱይ መቃዲሾ ዲብ እዲ መሓክም እሰላሚዩ ክምሰል ወድቀት ወተሩ ምን አሳሳብ ብደለ፡ ሰብ ሰልጠነት አዲስ አበባ “መዳሬዐት ናሰ” ለትብል ህግዮ ምን እንዲ አዝመው፡ “መትዐዳይት ፈደራልዮት ሕክሙት” እብ ቅዋት ገለድ “መሓክም እሰላሚዩ” ህጃም ሐቅመ ሳደፈዮም፡ ዱቅሪ አሰክ ሶማል ዐስከርያይ መትኣታይ እግል ሊደው ክምቶም እንዲ ሸርሐው እግል ለሀድድ ወለአሳቅር አሰተብደው፡፡ ወዘር እዕላም አቶብዩ ብርሃኑ ህይሉ “እግል ሕዱድ ወሕኩሙት ሶማል እግል ንዳሬዕ ሐቅ ብዥ” ዲብ ልብል ሸርሐ፡ ወካላት አክባር ከነደ ዲብ ዮም 19 ጃላይ 2006 ክምሰል ለሐብሩ ህይ፡ ሸሬሕ ርዕሰ ወዘረእ አቶብዩ፡ አቶብዩ ሶማል እግል ወራር እግል ቅዋት ገለድ መሓክም እሰላሚዩ እግል ታያን ሕዚት ክምሰል ህሌት ለለአፍህም ክምቱ ሸርሐ፡፡

ሕክሙት አቶብዩ እግል ሚዳን ሶማል ለሐልፍ ለዐለ ተጠውራት “እግል ወጠንያይ ደሐንዬ ወእስትራተኛያይ መሳልሕዬ ምን ቅያሰ ወለዐል ለለአፈርህቱ” ዲብ ልብል ክምሰል ምራዱ ለአንትህዙ ዐለ፡፡ ክምሰልሁመ እግል “መሓክም እሰላሚዩ” ድድ አቶብዩ ጠልቁ ለዐለ ስቅራታት ምን አማን ለሬመ ስያሰያይ ወዲናይ ስቅራታት ክምሰል ምስምሰ ትነፈዐ እብ፡፡ እምበል እሊ መሓክም እሰላሚዩ ናይ ከርሰ ቴሌሉ እብ ዋጅብ እግል ለአሰፊ ኢቀድረ፡፡ እብ ተውሳክ ክምሰል ሲገመት አትነፍት ስጃረት ወጫት ላቱ እምበል በሐሰ ምን መንዐ፡ ምስል ሸብ ሶማል ጀብህት ከሰተ፡፡ ግሪ እለ አሰልፍ አቶብዩ እግል ዲብ ባይደወ ለዐለት መትዐዳይት ፈደራልዮት ሕክሙት እግል ዕቅብት ውሕዳት ነድአት፡፡ ሐቅሁመ ድድ ቅዋት መሓክም እሰላሚዩ ናይ እቅትሳድ ወዐስከርየት ሐርብ እግል ክስተት ዲብ ዮም 28 ዲሰምበር 2006 አሰክ ዓሲመት ሶማል መቃዲሾ አቱት፡፡ ዲብ ግብላት ለህሌት መዲነት ኪሰማዮ ህይ ጸብጠት፡፡ ዲብ ባይደወ ለዐለት መትዐዳይት ፈደራልዮት ሕክሙት ሶማል ህይ ዲብ ደባባት አቶብዩ እንዲ ትጸዕነት መቃዲሾ ሰበት አቱት፡፡ ሸብ ሶማል ደማን ሐግለ፡፡ ቅዋት አቶብዩ ዲብ ረአሰ ሶማል ወሶማልዮን ለለሸዐልል ጀራይም አጅረው፡፡ ዲብ ፈደራልዮት ሕክሙት ሶማል ናይብ ርዕሰ ወዘረእ ወወዘር ካርጅየት ለዐለ ሕሴን ዓይዲድ “ቅዋት አቶብዩ ዲብ መቃዲሾ ፈነ ሕርብ አጅረው” እንዲ ቤለ ምን መስኦልዮቱ እንዲ ትከረ አሰክ ኤራትርየ መጽእ፡፡ ርዕሰ በርሰማን ሶማል ሸርፍ ሐሰን ሼክ አሕመድ እብ ጀህቱ፡ እግል ሓድሰት እግል ልክህሉ ሰበት ኢቀድረ ምስል

ብዕዳም 40 አንፋር በርሰማን እት ገበኤ ምስል እግል ተሕሪር ሶማል እብ ሐዲስ ለጠልቡ ቅዋት እንዲ ተሓበረት ዲብል ዲብ 2007 ዲብ ዓሲመት ኤራትርየ አሰመረ ለገብአ ሙእተመር ተእሲሲ ሻረከ፡፡

ሙእተመር አሰመረ 2007

እግል ወራር አቶብዩ ለልትቃወም ስያሰዩን ቅዋት ሶማል፡ ሙእተመር እሰላሚዩ ዲብ መትዐዳይት ፈደራልዮት ሕክሙት ወውዘረእ ለዐለው፡ ርዕሰ በርሰማን ምስል 40 ብዕዳም አንፋር በርሰማን ምን መጅተመር መደኒ ሶማል ለትወከለው ሶማልዮን፡ ዲብ ዮም 6 ሰብተምበር 2007 ዲብ አሰመረ ሙእተመር ወደው፡፡ ለሙእተመር እብ ርዕሰ ሼክ ሸርፍ ሸክ አሕመድ “ገለድ ተሕሪር ሶማል ምን ሐዲስ” ለትሰመ ተንዝም አሰሰ፡፡ ሸርፍ ሕሰን ሼክ አድም ህይ ርዕሰ ምጅልስ ተንፊዚ እንዲ ገብአ ተሐረ፡፡ ሙእተመር ዲብል ዲብ ዮም 14 ሰብተምበር 2007 ዲብ አሰመረ ለአፍገሪዩ ናይ መትመሚ ቢያን አው አዋጅ ክምሰል ሸርሐ፡ እሊ ለተሌ አግደ ቀራር ሓለፈ፡፡

1. ሶማል እብ ሰዳይት እዳረት አሚሪክ አረይ ወራር አቶብዩ ጋብአት ህሌት፡፡
2. ቅዋት አቶብዩ ድድ ሸብ ሶማል መትጃግራይ ለአለቡ ጀራይም አጅረው፡፡ እብ ሃኒ እግል መዲነት መቃዲሾ ደመረው፡፡ አምአት አላፍ ላጽሕ ሸብ ሸዕተረው፡፡
3. ተሕሪር ሶማል ናይ ክሎም ሶማልዮን ዋጅብ ቱ፡፡
4. ዌራይ ጄሽ አቶብዩ ምን ሶማል እንዲ ኢፈግር ምስል መትዐዳይት ፈደራልዮት ሕክሙት ለገብአ ህደግ አለቡ፡፡
5. ቅዋት ኡጋንደ ምን ሶማል እግል ልፍግር ቦም፡፡
6. ሕክሙት ኬንዩ ምስል ዌራይት አቶብዩ ትወድዩ ለህሌት መትሰዳዳይ እግል ሶማልዮን እምበል ጀራይት ወምስምሰ እሰር እግል ለአብዋር ቦም፡፡
7. መዝመት ምጅልስ ቅራን፡ እተሓድ አፍሪቀ፡ አልጃምዐ አልዐረብዩ ወሙእተመር እሰላም እግል ዌራይት አቶብዩ እግል ልስቀቅ ንትላኪ፡፡
8. ምጅልስ አምን እብ አሳሰ ሚሳቅ መዝመት ምጅልስ ቅራን ሚዳት 7 ድድ አቶብዩ ለተትሐዜ ምስዳር እግል ልንሰእ ንትላኪ፡፡
9. እዳረት አሚሪክ ድድ ሶማል ለትተብዐ ስያሰት እግል ልትብደል ነአትፋቅድ፡፡
10. “ገለድ ተሕሪር ወብንዩት ሶማል እብ ድግማን ተንዝም እርሃብ ኢኮን፡፡

ዲብ ረአሰ ሶማል ኢዳድል ወራር እግል ለአጅሬ፡ ሕር ወውሕደተ ለአከደት ዋውርት ምስል ግዋሬህ እብ ሰላም ለትነብር ሶማል ጀላብ

እግል ኢተህሌ እግል ዐንቀፎት፡፡ “እርሃብ” ለትብል ዘዐት ሰብ ጋብአት ህሌት፡፡

ሰበት እሊ መትቃውመት ስያሰዩን ቅዋት ሶማል ስፋፍም እንዲ ዝመው፡ እብ ሃም ረአይ ሶማል፡ ድድለ ምስል ዌራይት አቶብዩ ለትዐሳይት መትዐዳይት ፈደራልዮት ሕክሙት ክምሰል ልትዐንደቅ ወደው፡፡ ዲብ ረአሰ ቅዋት ሕክሙት ርዕሰ ዐብደላ ዩሰፍ ወቅዋት አቶብዩም ድቁብ ስያሰያይ ወናይ መዕነውየት ወዐስከርየት ጽፍዲት ወደው፡፡

ፈሽል ሕክሙት ርዕሰ ዐብደላ ዩሰፍ

ሕክሙት አቶብዩ ሶማል እግል ወራር ክምሰል ናይ ፈገገት ዝያረት፡ ናሰአቱ ለህሌት፡፡ ምናተ እብሸሽ ዲብ ክራጅ ለአለቡ ተማሰ ትወሐለት፡፡ ቅዋት አቶብዩም እግል መትቃውመት ተናዚም ሶማል ዲብ መቃዲሾ ዲብ ክሉ ለአተው እተን መዳይን ወደገጊት ሶማል እምበል አትካራም ጀሬ እቶም ለዐለ ለተአመጽጽ ጽፍዐት እግል ልክህሉ ኢቀድረው፡፡ ሰበት እሊ አቶብዩ እግል



መትዐዳይት ፈደራልዮት ሕክሙት ሶማል እግል ትርፈዕ መስኦልዮት እግል ትንሰእ ኢቀድረት፡፡ መዋ መጦሪ ዲብ ትደቀብ ትገይሰ ለዐለት መቃወመት ሰለሕ፡ ድድለ እብ ጄሽ አቶብዩ ለትትዐቀብ ሕክሙት ዐብደላ ዩሰፍ እግል እግል ሕክሙት ዐብደላ ዩሰፍ ምን ባይደወ አሰክ መቃዲሾ እግል ልክቱ እግል ወራር አቶብዩ ለሰዳት እዳረት አሚሪክ፡ ናይ ሸብ መቃወማት ጠውረ፡፡ ዲብ እሊ አሰልፍ ለትሸረሐ ናይ ስያሰት ወዐስከርየት ተጠውራት ሚዳን ሶማል እብ መተንካብ እዳረት አሚሪክ፡ እግል ጄእ እስትራተኛየት መሳልሐ ዲብ ሶማል እብ ተሐፍዝ ገበይ እብ ዎር እንክር፡ እግል ታሪካይት ግውርነተ እብ ሶማልዮን ለዐለት ዲብ ወክድ ሐጨር ለአትዳዌ እብ ወድምለ እት ወግም እንዲ ኢተኣቱ እግል ተህዩዩ ወቀይ እምበል ሸክ እት ፍዕል ለውዐለት አቶብዩ እንዲ ኢትክጅል ለትፈግር ቡ አግቡይ ህይ እብ ብዕድ ሐል ለተአመጽእ ገበይ ዲብ አናደዮት ትሳሰዓት፡፡

ሕክሙት ሸርፍ ሼክ አሕመድ 2009

ሕክሙት ዐብደላ ዩሰፍ እንዲ ኢትፈሸል፡ ለዲብ መቃዲሾ ክርዱን

ለዐለ ጄሽ አቶብዩ እግል አንገፎት ምን መራቀብት ዋሽንግቶን ኢዲሰአበበ ለፈግሪ መሓክም እሰላሚዩ እግል ሶማል እግል ኢልራቅብ ገበይ እግል ክልአቱ፡ ብዝሓት ናይ መንጠቀት ወእዲነ ክምሰልሁመ ድወል ምውዳቅ ጸሓይ ምስል እዳረት አሚሪክ እብ መትመቃረሕ፡ እግል ዲብ ሰነት 2007 ዲብ ኤራትርየ ለተአሰሰ “ገለድ ተሕሪር ሶማል እብ ድግማን” እግል ፈንጠርት እብ ክለ ሐሊቶም ሸቀው፡፡ ክምሰል ፍገራቱ ህይ እግል ርዕሰ ናይላ ገለድ ሼክ ሸርፍ ሼክ አሕመድ ወርዒሲ ምጅልስ ተንፊዚ ሸርፍ ሐሰን ሼክ አድም እግል ልክሰር ቀድረው፡፡ ዲብ ሰነት 2008 ህይ ፍንጌ መትዐዳይት ፈደራልዮት ሕክሙት እግል ምን ገለድ ተሕሪር ወብነ ሶማል እብ ድግማን ለአንፈሰለት ጀህት “ዕሪት” ለትብል ቁሻይት ስቅራት እንዲ ትህገለው ዲብ ጅቡቲ ሙእተመር ወደው፡፡ አሚሪክ ድድ ንየት ኮሎኔል ዐብደላ ዩሰፍ እግል ሼክ ሸርፍ ሼክ አሕመድ ርዕሰ ሶማል ውድየተ ህይ ለለትዐጅብ ይዐለ፡፡ ሰበት እሊ፡ ለሀደፍ ፍንጌ መትቃውመት ሐራካት ሶማል

ምስል ክሉ እሰላምያይ ፈርጎም፡ ደግሸ ወአከይ መቅርሕ እግል ክልቀት እግል ሸርፍ ሼክ አሕመድ ሚርሓይ ሙእተመር እሰላሚዩ ገብእ እት ህሌ፡ እብ ሸብ ሶማል ለረክበዩ ሕሸመት እግል ወቀሎት ቱ፡፡ ዲብል ናይ ሰልፍ ወክድ ዋሽንግቶን፡ “ምስል እርሃብዮን ዐናሰር አልቃዕደ ዕላቀት ቡ” ዲብ ልትብህል ሸኪ ዐለት፡፡ ዲብ እሊ ሓርያይ ወቅት ላኪን ለህል እንዲ ትብደሉ፡ እብ ረአይ ዋሽንግቶን ሸርፍ ሼክ አሕመድ ሙተጠርፍ ለኢገብእ እሰሌማይ ሚርሓይ ገብአ፡፡ እብ እዳረት አሚሪክ “እርሃብ” ለልብል ፈህም እብ ገበይ ዕልምየት እንዲ ኢገብእ፡ አሰክ አይ እግል ደሐን አምን ወጠነ ወእስትራተኛያይ፡ ስያሰያይ ወእቅትሳድያይ መሳል ከድም እብ ልብልቱ ለልትመዘን፡፡ ሰበት እሊ፡ አሚሪክ እግል ተሐዝዩ ላጽሕ እግል ቲደዩ፡ ለኢተሐዝዩ ህይ እምበል ለገብአት ትግበእ ሰብ ለእርሃብ ለትብል ሰሚት ከርሰ እግል ተትዐግቡ ለለዐይብ አው ለትክጅል እብ ጋር ኢኮን፡፡ እብሊ ህይ ማሌ “እርሃብ” ለትብሉ ለዐለት ዲብ በል ሸም “ወጠኒያይ ሚርሓይ” እግል ቲብሉ ምሽክለት አለቡ፡፡ እሊ ህይ

ስያሰያይ ልባብ ወናይ ሐቂቀት አዋይን ምን ኢጠይዕ መቃዩስ አምዋጅ ማኬሮላይ አፍካር ለመጽእ ቱ፡፡

እብሊ አሳሰ እሊ ህይ ፍንጌ “መትዐዳይት ፈደራልዮት ሕክሙት” ወለ ለምን “ገለድ ሙእተመር እሰላሚዩ” ለአንፈሰለት ጀህት ሸርፍ ሼክ አሕመድ፡ እብ ስቅራታት እዳረት አሚሪክ ወሕኩሙት አቶብዩ እንዲ ተሉ፡ ምን ዮም 31 ማዮ አሰክ 9 ጃን 2009 ናይ “ዕሪት” ሙእተመር ዲብ ጅቡቲ ገብአ፡፡ ዲብል ሙእተመር፡ ምን ፈረንሳይ ብሪጣንዮ፡ ሰውድዮ፡ ጅቡቲ፡ እተሓድ አፍሪቀ፡ አልጃምዐ አልዐረብዩ ወሙእተመር እሰላም ወእተሓድ አርብ ክምሰል መራቅቢን ሻርቲ ዐለው፡፡ ዲብ እሊ ለተሌ ቀራራት ህይ ትዋፈቀው፡፡

1. እግል ሰላም ዳይመት ለለአደምን ሐል ስያሰ አናደዮት፡፡
2. ክሉቅ ለህለ ናይ አምን ጋግ አርህዮት፡፡
3. ደሐን ሰካን አድመናት፡፡
4. ራድኢት እንሳንዮት ቀደሞት፡፡
5. ስያደት፡ ሕሸመት ወውሕደት ምድር ሶማል አክዶት፡፡
6. ዲብ ቀበት ዎር ወራሕ ዘብዋ አብጠርት፡፡

ምናተ፡ ናይ ሰልፍ ፊልም እንዲ ሸቁክ፡ ሐዲስ በርሰምጅ አው ሰናርዮ እብ አዳላይ፡ ዲብ መርሐለት ሆሊወድ እግል ተአቅርብ ቀሊል እግል ልግበእ ቀድር፡፡ ምስል አሕዳስ ወለህሌት ሓለት ሶማል ዲብ ምድር ለህለ እግል ትክደም ላኪን ቀሊል ሸእ ኢኮን፡፡ እግል መስል እትፋቅየት ጅቡቲ ዲብ ዮም 31 ጃንዋሪ 2009 እግል ሸርፍ ሼክ አሕመድ ወርዒሲ “መትዐዳይት ፈደራልዮት ሕክሙት ሶማል” እንዲ ትብህለ ምንመ ተሐረ፡ ዲብ ሶማል ሰላም ዲብ መዲድ ላኪን ፋሽል ቱ፡፡ ለሕክሙት እግል ናሰ ዲብ ናይ ረአሰት ዳዋን (ፓላሰ) እግል ናሱ እግል ልዕቀብ ለኢቀድር ምን ገብአ፡ እብ ከአፎ ሰላም እግል ትምጻእ ትቀደር? ለእብ ዶልዶሉ እግል ገሌ ሸዋሬዕ መቃዲሾ ለራቅብ ቅዋት ኡጋንደ ወብሩንዲ እግል ናሱ እብ መትቃውመት ሶማል ትርድት ጽፍዐት ዲብ ሳደፈዩ እቱ ወክድ አው ገሌ ምን ውሕዳተ ምን መዐላክርም እንዲ ፈግረው ዲብል ልትሐረት እቱ ወክድ ዲብ ኢልምሕክ ከቢን እንዲ አተው ዶል ልጸፈዮ፡ ዲብ ረአሰ ላጽሓም ሶማልዮን ለለሸዐልል ጀራይምቱ ጀሬ ህሌ፡፡ ሰበት እሊቱ ህይ ሕክሙት ሼክ ሸርፍ እግል ሕዳም ሶማልዮን ምን እግሎም ወእግል ወጠናም እግል ክልኤ ዕቁዳት ታምም ለሳደፈ መሻክል እግል ልካርጅም ለዐለት እሎም ሰእየት አቀለየተ ለለትዐጅብ ኢኮን፡፡ ተቃሪር “መራቅባይ ሐሸም ሶማል ወኤራትርየ” ክምሰል ለሐብሩመ ሃይብት ድወል መዝመት ምጅልስ ቅራን ዲብ ደማን ወእምነት እብድያም ዐለው፡፡



መአሰሰት አዜብ፡ ዶር ዛይድ እት ሐሊብ ወፍገራቱ (3^ይ ክፋል)

ሐሊብ ወፍገራቱ እት መኖሪያት አዳም ዶር ወቀል ቱ ለሀላ እሱ። መሸሮ ፈርያት ሐሊብ አዜብ፡ እት ሰንዖት ሐሊብ ወፍገራቱ ርኡይ ወሳፊ ካድም ለአገሩ ለሀላ መሸሮ ሐርስ እሙር ቱ። አሸቃሎ፡ ተጠውራቱ። ወናይ መስተቅቦል ስታቲባቱ። ክምሰልሁም ተጃርብ ርሐ እግል ለሐኪ። መጀለት ፍሬ-ካድም ምሰል መመቅረሓይ ሸቅል ናይላ መሸሮ ቫብ አብርሃም ሚክኤል፡ ሀጅክ ፋይሐት ዋድዮት ህሌት። ጸብጥላ ሀጅክ፡ 3ይ ክፋል ልተላላ።



ቫብ አብረሃም ምክኤል

ሰኣል፡ እሊ ጅብን ፍንቱይ ለወድዮ ሚቱ፡ እግል ተአሰሰለናቱ ትቀድር?

ሚ ምሸክለት ህሌት መሰለኩ፡ ናይ ዋልያን ጅብን ፍንቱይ ለወድዮ፡ እት ማይ ሕፋን እንዴ አሸተርካሁ ትማቅኡ። እሊ ሸይ እሊ አምሩ ይወልዱ። እት ኢጣልያ ወፈረንሰ ሌጣ ቱ ክምሰልሁ ለመቅጻወ። እት ድወል ብዕድ ለሸቅለት ክምሰልሁ ኢኮን። ለጅብን ብሩድ ቱ። ሰልፍ እግል ሐሊብ እንዴ አልጸሕካሁ አው ምን ዴራይ ባክቲርያ ክም አንደፍካሁቱ ጅብን ለትሸቅዩ። ጅብንት እት ትትሸቅዩ፡ ለሐሊብ ላጼሕ ህሌ። እት ኢጣልያ ላኪን ለሐሊብ፡ እት ኢትሽት ሸቅዩት ለጅብንት ዲብ ትትመጠጥ (ትትመቀእ) ቱ ለልአለጽሕወ። እላ ተ ለፍንቲት።

ሰኣል፡ ከለናይ ኢጣልያ ጅብን ከአፎ ትለማመድካሁ?

በሊሱ፡ እግል እሸቀዩ ወእትላመዱ ወቅት ኢክለ ምንዩ። እትሊ እብለኩም ለወለኩ፡ ለክቡድ ምን በዲር ዳርሱ ሰበት ጸንሐኩ። ለፍንቲቱ አገድ አመርክወ። ሰበት ህይ፡ እት ቱክኖሎጂ ሐሊብ (milk technology) ዕሉም ኪምፖኤ፡ ማይክሮባይዮሎጂ፡ ባዮሎጂ፡ ወብዕድ ሓጃት ብዘሕ ህሌ። ለተረረ ህይ ህቱ ቱ። እሊ ናይ ኢጣልያ ጅብን መካኒካይ ሰበት ቱ። ጅርብት ብእቱ ድኢኮን፡ መሐለኪት አለቡ። ከእብሊ፡ ለተረረ ክፋሉ ላተ ምን ቀዳምዬ ዕዳዩ ወልቱ።



መአከብ ጅብት

ሰኣል፡ እሰው ገይሮ ትቀልል?

በሊሱ፡ እት አፍረዮት፡ ምን ናይ ኢጣልያ ለብዕዳት ለልትነፊዳቡ አብሳር ለሐላ ቱ። ተወሰኑት ብዘሕት አለቡ። እት ኢጣልያ ጅብን ለልትሸቅቡ አብሳር ክቡድ ቱ። ኩሉ እብ እዳካ ቱ። እብ እዳክ ትማቅኡ። ትመጥጡ ወትሰሕቡ እት ህሌክ ዲብ እዳክ ለትሸቅር እቡ ሸይ ህሌ። ህታተ ለደረጃት ቅያሱ። አጅባን ዲብ ኢጣልያ መሳጸዕ ርሐብ ለኢትሸቃቡ ሰቡቱ ለሰበር ምን ዕሉም ወለወል፡ ለፍንት ሰበት ልተረድ ቱ። ሰበት እሊ መትዕባይ ቱ።

ሰኣል፡ አተላላኪ አብርሃም

በሊሱ፡ ናይ ካዳርታ ተጃርብ እንዴ አክለሰኩ፡ እብ ሮማ አሰክ ፓርማ ሳፈርቱ። እት ኦር መስኮ ጅብን ሸቅል አንበት። ዲቡ መ አርበዕ ወሬሕ ጸንሐኩ። ሐቀሁ፡ እብ ክሰሱ ሸቅዩት አጅባን ለሀላ እዩ አምር፡ እብ ሸሬሕ ወፍዕል አፍዩሐክወ። ሸበኩት ሐበሬ ወአክትበት እት እቃሌዕ ህይ፡ ናይ ሆላንድ (ዳቸ) ሌጠ እንዴ ኢገብእ፡ ለትፈናተ ድወል እት ሸቅዩት ጅብን ለበን ቱ ተጃርብ እግል አምር ወእፍህም ቀደርቱ። ለወል እዩ ሰላላት ህይ አገድ በሊሰ ረከቡት እሉ።

ሰኣል፡ እሊ ተጅርብት እንዴ ከሰበክ ኤረትርዮ ክም አቅባልክ ሚ ወዳክ?

በሊሱ፡ ምጽእ ክም እቤ ጅብን ሸቅቱ። ሰድፈት ህይ ናይ ምፍጋር ጸሓይ አፍሪቀ መዕረድ ዕፊ ጅብን ልትዳሌ ሰበት ወላ፡ ናይ መአሰሰትኩም ጅብን አጅባን አዳሉ ትበህልኩ። ቫረክክ ዲቡ፡ ለሐሊ ጅብን ክም ሸቅቱ ሸሀደው እግልኩ። ለልአትፈክረኩም፡ ለእግል መዕረድ ቀደምናሁ ጅብን ወቅትመ ሰበይ ይወል እግልኩ። ዕለቱ ሐጫር ተ ለወለት። ሐቀህ እት ሰነት 2014፡ ወተንያይ መህረጃን እት ደቀምሐሬ እት ገብእ ዲብ መናሰበት፡ ሕነ ክም



መአሰሰት አዜብ፡ ሰልፋይ ዕፊ አጅባን ቀደምኩ። ሓይሰ ርኢሰ ኢሰያሰ እት መዕረድ ጀውሉት እት ወዳ፡ ለእግል ዕፊኢ እምጽአመ ወልን ጅብን ገንሐዩ። አምር ናይ ጅብንት ሰበት ቡ፡ ክም ረአዩ፡ “እሊ ምን ሸቀዩ?” ቤላ ከትሰአሌኒ። “ኖሼ” እቤሉ። “እብ አማን እንተ ሸቅካሁ?” ደማሚ። “ከም ሐበት ለገብእ እምጽእ ምን ህሌክ?” ክም ቤሌኒ፡ እግል እት መህረጃን እግል ልሻርቱ ለመጽአው ዝያድ 400 ዕዙማም ገሾታት እግል ነአተፍጥር ዱልያም ክም ህሌን ዶል አሰአልክወ። ትፈክረ። ከላሰ ነዐ

መአሰሰት አዜብ፡ ሰልፋይ ዕፊ አጅባን ቀደምኩ። ሓይሰ ርኢሰ ኢሰያሰ እት መዕረድ ጀውሉት እት ወዳ፡ ለእግል ዕፊኢ እምጽአመ ወልን ጅብን ገንሐዩ። አምር ናይ ጅብንት ሰበት ቡ፡ ክም ረአዩ፡ “እሊ ምን ሸቀዩ?” ቤላ ከትሰአሌኒ። “ኖሼ” እቤሉ። “እብ አማን እንተ ሸቅካሁ?” ደማሚ። “ከም ሐበት ለገብእ እምጽእ ምን ህሌክ?” ክም ቤሌኒ፡ እግል እት መህረጃን እግል ልሻርቱ ለመጽአው ዝያድ 400 ዕዙማም ገሾታት እግል ነአተፍጥር ዱልያም ክም ህሌን ዶል አሰአልክወ። ትፈክረ። ከላሰ ነዐ



ምን መሳጸዕ ሐሊብ ወፍገራቱ

ምሰልዩ ገሰ ቤሌኒ፡ ምሰሉ ዱርቱ፡ እት ቃላት ነብረ እንዴ አተ እግል ጅብን ጠምጠመዩ። ዕምሩ ክም ክም ወደ ትሰአሌኒ። ምርት ሐል እቤሉ። እት ቀበት ሰነት ጠፀሙ እንዴ ኢልትበደል ሰበት ረክበዩ፡ ትፈክረ። እት ቀበትላ ሳምን፡ ክልኤ ዶል መጽኤኒ፡ ናይ መዕነውያት ወሰዳይት አላት ሰዳይት ወደ እግልዬ። እበ እሉ ረከብክ ተሰጃዕ ህይ። ለወለት መቅደረትን እብ ዕጹፋት ወቅልናሁ። እትላ መደት ጎነ እት ምዕል፡ አሰክ 3000 ሊትር ሐሊብ እግል ንሸቅ ቅድረት ራክባም ህሌኩ።

ሰኣል፡ እት መህረጃን ለቀደምካሁ ጅብን ወወሰፍክ እልነ?

በሊሱ፡ 16 ጅንሰ (variety) ናይ ጅብን ቱ እግል ዕፊ ለቀደምናሁ። 14 ምን እግል ሱግ (market product) ለልትሰኮ አጅናሰ ጅብን ወላ። ክልአት ጅንሰ ህይ

አዜብ ምሰል ፈርያት ሐሊብ

እግል ዐዳገ ፍንቲት (niche market) እንዴ ተሐሰበ ለትዳላ ቱ። ለክልአት እት ኤረትርዮ ወግጥሬህ እት መንፈዕት ለኢልውዕል፡ ወምሰል ዱዳትን ወለመድን ለኢገይሰ ሕብሩ ወርቅ ለመሰል ሕበር ተብዕን ለልትሸቅ ምሰሉ አጅናሰ ጅብንቱ። በቃዕቱ ወቅል ምንግ ቱ። እት ዐድነ ለተብዕነ አው ለመሸመሽ ሸይ ብልዕት ልመድ ሰበት ኢኮን። ክም ሓጃት ሰይት እግል ልትረኤ ኢትትጸብሩ። ምን ሰፋራት ዋልያን፡ ፈረንሳ ወብዕዳም እንሰር ለትብር ዲፕሎማሰዩን ላኪን።

ሰኣል፡ ወሐር ህይ?

በሊሱ፡ ሐላትን እት ሕሳብ እንዴ አቲት፡ እብ ሓክም አቅሊም ምንብ ለወላ አሰይድ ካሕሳይ ገብሬሂወት እት ማርካቶ ድካን ንኡሽ ተሆየብኩ። ሐቀህም ክም ጨብ ዲብኩ። ምን ለትርሕብ አካን ተሆየብኩ። ምን ምዕል ዲብ ምዕል ህይ ሸቅልን እት ነአሰፊ። ተጃርብ እት እንረክብ ወ ፈርያትን እት ነአበርክት እንሸቅ ህሌ። እትሊ ወክድ ጎነ ህይ ዲብ ምዕል አሰክ ሰለሰ አልፍ ሊትር ሐሊብ እንሸቅ ህሌ።

ሰኣል፡ ሐሊብ እብ ከአፎ ትረክጥ ህሌኩም?

በሊሱ፡ ምን አቅሊም ግብለት ወምን ሸርክት አጅ'መ ነአመጽእ ህሌ። እብ ፍንቱይ ዲብ መደት ጸም፡ ለጠለብ ሰበት ልውሕድ፡ ምን ሐረሱቶት እንዴ ትክበትን እት መዓሉ ነአውዕሉ ህሌ። ቀደም እሊ ሐሊብ ሐቀ በዘሐ ልትከዴ ዐላ፡ አዜ ላኪን ትትክዴ ምን አለቡ። እንዴ ትክበትናሁ ሰበት እንክዘኩ ወእንሸቅዩ፡ እት ሐሊብ ልትሐገል እቱ ወክድሙ ሕዳን ፍገራት ሐሊብ ክም ኢህሌ ሸቅኩ።

ሰኣል፡ ዶር መአሰሰት አዜብ እት ደማን አጅባን ከአፎ ሸርሐት?

በሊሱ፡ ቀደምኩ ሐቱ መአሰሰት ሌጣተ ጅብን ትሸቅ ለወለት። ለዶል ለሁ፡ እት ዶልክ እንዴ ገሰክ ጅብን እግል ትርከብ ልትቀደር ይወላ። ሕነ ክም አንበትን ላኪን ጅብን እግል ትርከብ ቀሊል ጋር ገብኡ። እት ሐዜካሁ ወክድ ለሐዜካሁ ቅያሰ ትረክቡ። ሸርክት ተዕዳን ቢሻ በዲር ጅብን ምን ካርጅ ተአገርህ ወላት። ምን ሰበ ሰነት እንወዳ ላኪን ምን ልትሳበው ህሌው። በዲል እግል እስትውራድ (Import substitute) ወዳነ በህላት ቱ።

ሰኣል፡ አዜ ዲብ መጃል አጅባን እት ከአፎ ደረጃት ህሌን ትብል?

በሊሱ፡ አዜ ግድም፡ መአሰሰት አዜብ ሌጠ እንዴ ኢትገብእ፡ ኩለን እት ፍገራት ሐሊብ ለሸግብ መአሰሳት ተጠውር ሰኢ ለአርእዩ ህላዩ። እብ ሰዕር ምን ገብእ ወበቃዕት እት ጅግረ ነአቱ ህሌ። ለልጃገሩን በዘሐው ወለልትሐዜ ወላ ተቅደርመ መጽእ ህሌ።

ሸግብ



ገለብታችሁ ዲብ ረገዳቸው

ኤረትርዩን ላኪን ሐቲ ቲ። እብ ናሰከ ምን አጅል ወጠን ወሽቦብ። እግለ እንዴ ተምኔካህ ካልአይት መረት ለይትአቀብል አርወሐትከ መትፈንታይ በህለት ቲ። እሊ ህዬ፣ እግል ናሱ ሰኔት ለሐዘኔ እንዴ ኢገብእ እግለ መጽእ አጅያል ሰላም፣ መሰከብት ወሕርየት አምጸአት ቲ ።

እብ ክልቀት፣ ወድ አዳም ርሐ ፈቲ፣ ሹሀዳን ህዬ ምለዐል ነፍሶም ወጠናም፣ ምለዐል ሐያቶም ሽዕም ለፈተው ወለ ሐሸመው ቶም። ሀደፍክ እንዴ አትመምክ እስትሸሃድ፣ ሞት እንዴ ኢገብእ፣ እግል ዲመ እብ ሕሽመት ነቢር ቲ። ሰበት እሊ ተርጀመት ሹሀዳ፣ እብ ክለመት ሐቲ ልእከት ወመሰኡልየት ዐባይ ለተአረፈዐን ዘዐት ምህመት ቲ።

መሰል ሰኔት እት ፈራሰት ወእስትሸሃድ

1: አርት እግል 15 ዲብ ሰውረት ኤረትርዩ ለትሸቀ ታሪክ ቲ ለዐለ

2: አዳም ምስል ሐጺን እንዴ ትጋብህ እግል ልድሐን ሕልም ቲ። እግል ሙናድል ላኪን ለቀለ ሸቅል ዐለ።

3: እብ ውሕደት ለናድል ሸቦብ፣ ውቀት ሊሪም ወልሐጫር መሲሩ ዐውቲ ቲ።

4: ሙናድል ለዐውተ ምስጢር፣ ውሕደት፣ ሕሽመት ሕድ ወሀደፍ



ቲ። 5: ኤረትርዩ፣ ዲብ ዐለም እብ እስትሸሃድ መዋሃኒ ህለዮተ ለአድመነት ደውለት ቲ።

6: እግል ዐለም እት ለኢትዐሬ ወሰእየት ለአለቡ ልቅብ አትየት ለዐለት ደውለት ኤረትርዩ እብ ፈድል እስትሸሃድ ውላደ ምን አፍ መስተዕምረት ዲብ እዴ ሰብአ በርደት።

7: ክመ ዲብ ለዐል ለእቤለ፣ ሰቅራት ሙናድሊን፣ እንተ ጽገብ አነ እግል እሰፍሬ፣ እንተ ሰቲ አነ እግል እጽማእ፣ እንተ ሀሌ አነ እግል አስተሸህድ ልብሎ ዐለው።

8: ዲብ ምግብ እሳት ህለዮቲ ለአከደ ምንቲ ምን ልትበህል ለሕሹም ወበዐል ታሪክ ላቲ ሙናድል ኤረትሪ ቲ።

9: ሕሽመት ወሀለዮት መዋሃኒን ዲብ ዐለም እግል ትውደሕ ቃሊ እስትሸሃድ ምን ደፈዐ ሌጣ ቲ። ክሰበት እሊ ቃሊ እስትሸሃድ እግል ቃልየት ወጠን ሰበት ልትደፈዕ፣ እሊ ዐድነ ኤረትርዩ አነነ ወተእሪክ ሰኔ እግል ነሐዋጡ ለአስትህል፣ ወእማነት ሹሀዳ ህዬ መሰኡልየት ክል መዋሃን ሰበት ገአት ፊነ ወአትፋቃድ ለተሐዘኔ ኢኮን። ዲብ አልባብነ ወአሰራር ደምናተ፣ ለእሊ ራፍግም እማነት ኢትትረሰዕ ወኢትጠለም፣ ዲብ ህዮም ለሐድገወ ውላደም ወተእሪክም እግል ንሰበት ወንሰመድ ህለ እግልነ፣ እማናቶም እግል ዲመ እት አልባብነ!!

ዴማት፣ ክታብ ዕላል ሰማእታት

ኤረትርዩ ወሸበ ማሌ ለሐለፈዶ አከይ መዋዲት ወለ ትፈናተ ጀራይም ምኑ ወኪን እብ አፍ ሸርሐት፣ እት ደሚር ክል መዋጠን ሸንርብ ሓደግ ለህለ ወዲመ ለነብር ታሪክ ቲ። ምን በሐር እብ መዕለቀት ምን እንርእዩ እግለ ተቅዩር ሸባካ ሐያቶም እብ ተማመ እንዴ ደመረው፣ ቅያሰ ለአለቡ ዋይዲባት ትመሀዘ ወአዘመ ልትመሀዘ ህለ።

አርደትነ ለትመልኩ አርዛቅ እግል ልንገጭ ሸቦብን እግል ሞት ትፈረድ፣ ኤረትርዩይ መዋሃን አርደቹ ወወጠንዬ ሰበት ቤሌ፣ ዲብ ረአሱ ብዘሕ ጀራይም ትጋየሱ። እሊ ህዬ ጀራይም ወቅሰሰ ሌጠ እንዴ ገብእ ኢተርፋ። ማዘንዮቲ ቅያሰ ለአለቡ ዐውል እሊ ዳፍግም ክም ሕነ ኩሉ ለለአምረ ሐቂቀት ቲ።

እት ንዳል እግል በደ ወፈነ ሸቦብ ኤረትርዩ ምህርቶም ለሰደው ክጀርቤታት ለወደው ሙስተዕምረት፣ እበ ዐለ ዐስከርያይ ሕፍዝ፣ እግለ ዳለ እሎም ቀሊል ወክቡድ አጽዋር ካፊ እብ ግብአቲ ዋይዲባት ድቁግም ወምን አክልነ ለልብሎ ሰብ ሐለት ዕድዋነ ሰእዮቶም ሰኔ ብዘሕት ወዐባይ ምንመ ዐለት፣ ሕልሞም ላኪን በርታገ እንዴ ገአ ተርፈ።

እሊ ፈዳሊ እግል ልግበእ ለኢቀድራቡ ሰበብ ህዬ እሎም ለእሎም ደፍዐን ወእግል ዲመ ልባሰ ሕሽመት ለአልበሰውነ ፍራሰ ሹሀደእ ኤረትርዩ ቶም። ተርጀመት ወዐውል ሹሀደእ በደል እብ አፍ ሌጠ እብ ፍዕል እንዴ ሐጠዋናሁ ምን ንትሃጌቡ ልትሐፈ። ሰበቡ ለሰባት ወለ ሰእየት ዲብ አፍግል ምን ነአውዕለ ዝያድ ሕሽመት ወሐበን ተሀይቡ።

ላመ አርት ለወልደት እም ውላደ እንዴ ኢጠምዕ ቤዘ ሕርየት ወፍዘት ወጠን ሀበት። እብ ዝያድ ክሎም ሹሀደእ ኤረትርዩ ምን አጅል ሐቅ ወዐድል ዲብ ውሕደት ሰብተው። እሊ ሕቡን ታሪክ እሊ ለክልቁ መሰከብት ልትዳደሉ ለአለቡ፣ ብጹሕ ለህለ ሻፍግ ተጠውር፣ ዐጃይብ ላቲ ቅሰሰ ሕሽመት ሹሀደእ እብ ወቅት ወከሊማት እግል ልትሸረሕ ሰኔ ክቡድቲ።

ዲብ ዐለም ብዝሓም አንፋር እብ ምራዶም ሐያት ሰኔት እግል ለሓልፎ ለእብ ሚልዮናት ዶላራት ካልአይት መረት ለኢትትረከብ ሐያቶም ለትበረወው ሹሀደእ ኤረትርዩ እንዴ ሓበርክ ዲብ ሐዳት ድወል ለሸቁይ ታሪክ ቲ። እብ ጠቢዐትነ ለገብእ ነፈር ምለዐል ነፍሱ ለፈትዮ ሸእ ኢህላኒ።

ወክም ጠቢዐት ሰኔት መንበረት እግል ልርከብ ህዬ ከድም። ሹሀደእ ኤረትርዩ ምለዐል ሐያቶም ወጠናም፣ ምለዐል ሐያቶም ሐያት

ሸዐም ፈተው ወሐሸመው። እሊ ለመሰል ሳብት መግዋር ሰበት ዐለ እሎም ምለዐል ሰር ዘበን እብ ሰፍራሆም፣ ወትጋዮም፣ እግል ክሉ መታክል እንዴ ተዐደው፣ ዲብ ከደን እምበል ሐዋን፣ ወድ አዳም እግል ልንበሩ ለኢትተብኔ ከደን ምስል አራዊት እንዴ ትመሳከው ነብር እቲ ለዐለው ወቅት ቲ። እግል አርት ሀደፍ እብ ሀደፍ ልእከት እስትሸሃድ እንዴ ትከበተው ወሐረው፣ አሰክ እስትሸሃድ ብርንቶ ገብአው፣ ወእግል ዲመ እብ ሕሽመት መንበር ሌጣ ቲ።

“ኔብራይ ታሪክ ዲብ ኢኮን ለትነብር ሓያት ኢህሌት” እሊ በህል እሊ አማን ቲ። ሰበቡ፣ ወድ አዳም ዲመ ኢነብር፣ ውላድ አዳም ህዬ፣ ምን ንትከለቅ እንዴ አንበትነ ሚዶል ክም እንመይት ኢነአምር ዲብ ኢኮን፣ ሐቲ አምዕል ምን እሊ እዲነ ፍንቲት ክም ህሌት አክልሕድ ነአምር። ታሪክ ህዬ ምን አጅያል ዲብ አጅያል ዲብ ልትዋረስ ለነብር ቲ። እብ ፍንቲይ ህዬ እብ ፈራሰት ለትብነ ሕሩይ ዐውል ለትደፈዐ ዲቡ ታርክ ቲ።

ሹሀደእ ኤረትርዩ፣ እብ ሀደፍ ወሕርያን ምን አጅል ሕሽመት ወጠን፣ ወሕሽመት አርወሐቶም ደፍዐው። እብ ዐውሎም ህዬ ዲብ ክል ርክን ወጠን ልግበእ ወዐለም እግለ ነብር ኤረትርዩይ መዋሃን እንዴ ተሐበነ እብ ሕሽመት ነብር ህለ። እግል ዲብ ደሚርነ ለነብር ሹሀዳን ክል ዶል ሕነ እብ እስትሸሃዶም ወሀቶም እብ ህለዮትነ ሕሹማም ቶም። እሊ ምንገብአቲ “ለሸሂድ ህለ እግል ዲመ ነብር” ለልትበህል።

ሸሂድ ምን ኢለአስተሸህድ ኤረትርዩ ወሸበበ ምን መግዘም ምስተዕምረት አሰክ ዮም ወኢትባልሐው፣ ዲብለ አኬት መንበረት ወለ ትኬለመት ሐያት ዲብ ወጸንሐክ። ህለዮትናም ዲብ እሻረት ሰኔል ወገብእ። ምን አጅል ሕርየት ወጠን እግል እስትሸሃድ ለትባደረው ፍራሰ፣ እበ እንተ ጽናሕ ወአነ እግል አስተሸህድ፣ እንተ ጽገብ ወአነ እግል እሰፍሬ፣ እንተ ሰቲ ወአነ እግል እጽማእ፣ ለልብል ፈዳልያይ መሰባሎም ዕንባባ ፍሬ ሕርየት ረኤክ። እበ እሊ ነሐዘ ወሰነሐዘዮ ሐያት እብ ረሀየት ሰላም ወመሰከብት እነብር ህሌክ። ሸቦብ ኤረትርዩ ሰላም ወመሰከብት እግል አምጸአት ቃሊ እስትሸሃድ፣ ክቡድ ምስክነ ዳሩ ወማሉ ቡሉሕ ቲ። ከእሊ ሳብት ታሪክ ሐበን ውርስ አጅያልነ እግል ልግበእ ለአስትህል።

ተርጀመት እስትሸሃድ እስትሸሃድ! እብለ ትፈናተ አግቡይ ልትረኤ። እግል

ገለብ እት ገብይ ዐማር....

ምን ገጽ 4 ለተላለ

ሰኔል፣ ግሽ ኢብራሂም እት ምዳርየት ገለብ በኮት ሹብህ መዲነት ገለብ ታብልንጂ እት ማእቶት ግራህ ምን ፍሩራም ለጸንሐውናተ። ከለ ከድሙ ለህለው ሸቅል እግል ትወደሕ እግልነ ክም ሰኔልናህ?

በሊሱ፣ እሊ ሸቅል እሊ እግል ዐማር ዐድነ ንትባገሰ እቲ ለህሌነ ምንማቲ እት ረአሰ እሊ አጅኒትነ እግል ንሰረፍ፣ ሓባልነ እግል ልርከብ ወዮቲምን እግል ልደረር ሸቅል እብ ነብረ እንዴ ትበህለ ንትፈረር እቲ ለህሌናቲ። እሊ ሸቅል እሊ አነ አጅኒት ዲብ ቤት እንዴ ሐደግቡቲ እት ፈረር እቲ ለህሌኩ፣ እግልሚ ብእኼ እት ዐስከርየት ጋይሰ ሰበት ህለ። እሊ ሸቅል እሊ ነቲጅቲ ሰኔትተ ለህሌት እግልሚ በዲር ምድር ሰበት ኢትከደመ ዝላም ዘልመት ምንገብእ አርድ እንዴ ሻለዳት ውሓይዝ እንዴ ገብአት ትርበት ገሌ ዐለት አዜ ላኪን ለአርድ ሰበት ትከደመ ነቲጅት ዐባይ እምጽእ ህለ እብ ፍንቲይ ግሪህ ወለ ዝላም ሕድት ምንገብብ ግሩም ሰበት ሰቲ እተይ ሰኔ ለህይብ ወእግል ሰብኡ ወሰብለ መንጠቀት እግል ለአብልዕ ቃድር ህለ። እትሊ ሸቅል መሻረከት አዋልድ አንሳት ሰኔ ህሌት ምድረን ለዐምረ ወእብ

ድራረን ለእትዮ ህለዮ። በዲር አዋልድ እሊ በኮት ሸቅለን ዲብ ቤተንቲ ለዐለ ፈድል ሕርየት ላኪን እሊ ትርእወ ሸቅል መጽእ ወዲቡ ክም ልትፈረር ጋብአት ህለዮ።

ሰኔል፣ ድራር ሰዲድ መሐምድ ምን ሰኮን ምዳርየት ገለብ በኮት ሹብህ መዲነት ገለብ ታብልንጂ ቲ። እት ማእቶት ግራህ ምን ፍሩራም ለጸንሐውና ዎርቲ። ከለ ከድሙ ለህለው ሸቅል እግል ልወደሕ እግልነ ክም ሰኔልናህ?

በሊሱ፣ እሊ ሸቅል እሊ ምን ብዕድ ሕኔ ንታኬ አርደትነ እንዴ ከደምን ወእግል ነአግምል ወነዐምር ገብእ ለህላቲ። እሊ ሸቅል እት ናይ ሸቦብ ግራህ እብ ሸቦብ እምበል ፈናታይ ለገብእ ወሐድ 90 ኪሎ ክክል እግለ እትሊ ሸቅል ለትፈረረው ክል ወሬሕ ልትሀዮብ ህለ ሰበትቲ እብሊ ግራህ ነአሰኔ ህሌነ ወእብለ ክክል እነረክብ ህሌነ እሊ ህዬ ፈድል ሕርየትነ ወመግዋር ሕኩመትናቲ።

ሰኔል፣ ሱሌማን ዐብዱራሕማን መ እግል ሸቅል ማእቶት እት መርሕ ለረከብናሁ እብ ምስክነ ለትባረሕ ሙናድልቲ። ህቲመ ሸቅል ክእፎ ህለ እት እንብልቲ ክም ሰኔልናህ?

በሊሱ፣ እሊ ሸቅል እሊ ምስል ውዛረት ሐርሰ እት ንትፋህም እንሸቅዩ ለህሊናቲ። 75 ሰኔት መትር ገጽ ለዐል ወ50 ሰኔት መትር እብ ሰምጥቲ ከምስልሁመ ዲብ ምግብ ለማይ ቅውት እንዴ ወደ እግል ኢሊጊሰ ለከርዕ መዕጸፊታት ገብእ እቲ ወልትሸቁ ህለ። እሊ ህዬ ነቲጅቲ እንዴ እንርእዩ እንገይሰ ለህሌነ ወእብ ሸቦብመ ከብቲ ሰኔ ራክብ ለህላቲ። እግል አምዕል 4 ሳታት እንሸቁ ህሌክ። አላት ማእቶት ከረዊነት ወበዲለት እግል ለኢአለቡመ እንዴ ሰጀልነ ነሃይብ ወእንዴ ሸቃውብ ክም በልሶ እንዴ ህሌክ። መሻረከት አዋልድ አንሳት እትሊ ሸቅል እሊ ሰኔ ትርድት ወለ ትትሐመድተ ለህሌት። ምናተ መሻረከት አዋልድ አንሳት ሌጠ እንዴ ኢገብእ ሙጅተማዕ ክሉ ለቀድር እትሊ ሸቅል እሊ እግል ልትፈረር በክት ህዮአብ ሰበት ህለ። እብ እህትማም እግል ልትፈረር ወለተህዮብ ሸቅል እብ ነዳፊት ወእብ ዋጅል እግል ልሸቁ ቀድረ ምንገብእ እሊ ሸቅል እሊ ዕውት እግል ልግበእ ቀድር ወደሐንኩም።

ሐዘን ወግርመት

ኬትባይ = ያሱናሪ
ተርጀመት = የሰፍ እድራሰ አሜር

19^ኛ ክፈለ

ካይት እት መለሀየ እንዴ ደነት ከእብ ምልሃህ እበ እዳህ ነሰክተ። ዲብ ፋንዱቅ ምየኮ እንዴ ጊሰኮ ከእብ ኡኪ እግል እምጸእ ወሐርመ አሰክለ መሐጠትላ ገጠር እግል እሳርሐ ለለክ'ኪኒ እቡ ሰቡብ ሚቱ?

- እንቲ ንእሽ ወሽንብሬቦት ሰበት እንቲ! ወአናመ ብዙሕ ሰበት እትሐቦን እብኪ ቱ!

- እት ኩብድኪ ለህሌት እግል ትሐብኒ ምንዬ ይእፈቱ፣ ወእ'ብለን ክሌ ዕንዬ ቁዱናት ሰኒ ልብ ካርየት ህሌት።

- አማን በሊ? (ኡቱኩ እግ'ለ ክልኤ ዕንቲታትላ ሽንብሬቦት ለእት ጸሓይላ ወርሕ ሰረር ልትናፈር ምንን ለሀለ መሰለ ለዐለየ እት ተአቀምት) ምንኪ ለሐበዐ ሐቲመ አሰለት እግልዬ። እነ ወኡኪ እት ትፈናቱኒ ዲቡ ወቅት፣ ወለት ዐሰር ሰቡዕ ሰነት እንብእ ዐልኩ። እዜ ላኪን ዲብ እሊ ወቅት እሊ እነ እሊት ዐባይ ወቅቶንላ ከቦሀ ኦካት ጠልቅ ለሀለ ኦካ። አማን ተሐይሰ እነ እግል እርእዮ ብዙሕመ ሽንህት አሰለት እግልዬ። ክምሰል በዲር ይእጸንሐ ሰበት እቤ እብ ከሰበት እግል አልሸዐር ፈረህኩ።

- እብ ከሰበት እግል አልሸዐር! ህቱ? እብ ከሰበት እግል አልሸዐር? እንቲቱ እብ ከሰበት እግል ትሸዐሪ ለወጅብኪ! እንቲ ለእሊት ለህቱ ምን ቅያሰ ወለዐል ለለሐሸመ እንቲ። ወእነ አሰይድ ኡኪ እብ ከሰበት ክም እሸዐር ለወዳኒ ኦካ! ምሰልኪ እግል እንበር ዲብኪ እንዴ ይእመጽኡ። ለሸባን ርሕዬ ተአብዮም ዐለት። ወአሰይድ ኡኪ እናሰ ሰኒ ሕሽም መሰል እትዬ ዐለ። ዶል ለእለ ረኡኮህተ ለሸዐርት እበ ከሰበት ኦክል አየ ዐለት መሰለኪ! ምን እለ ለእት ረኡኮህ ሓለት ወኪን ለሐሰ እግል ልግበእ እታኪ ዐልኩ። እሊ ህዬ እት እሉ ዳግሚ እዬ ዐልኪ ፊቃዶታትኪ እንዴ አተንኩብኩ።

- እንቲ ሐቲ ወቅት እግል ሐጫር መደት ሰበት ረኡክዬ፣ እብ ክምሰል እለ ለትመሰል ገበይ እግል ትፍረዲ አትቀድሪ።

- ሰኒ ወአማን እግል እፍረድ እቀድር።

- እሊ እብ ከፎ ገብእ እኪ?

- እግል ክልኡቶም አሰይድ ኡኪ ልግበእ ሚወልዱ እት ሸረክዬ እግል እክረዮም ቀሊል ጋር ቱ።

- ለተአፈርህ ህግያተ ትብሊ ህሌኪ! (ኡቱኩ ክምሰልህ እት ትብል ለገጸ ጨብለ ወአክላጋመ ትዳየገ) ካይት። እሊ ክብር እሊ ሐቲመ እግል ልንፈዐኪ ኢኮን።

ካይት ወለ ሴማመ እንዴ አልትሰመዐ ክምእነ ትብ።

- ለህግያኪ ብዙሕ እክድት እግልዬ አህሌት።

ኡቱኩ ክምእነ በልሰት። - እሊ ብዙሕ ፋኢደት ለትረክቢ ምኑ ኢኮን።

ርሕኪ ሰብ ተብዕን ለትጸበጢ እቡ ሸረክ ትመሰል እትኪ ህሌት? ወለት ሽንብሬቦት ወግርም ግብአትኪ ከከፊኪ።

- ሰብ ተብዕን ለትጸባኒ እሊት በልኪኒ። እነ ኦንሰ ኩለን ክምሰልሁ መሰለ ዲብዬ።

- እለ ምን ገብእ እብ እሊ ሰብብ ቱ። ወክምሰል እሊ ለመሰል ሕሳብ ሰበት ዐለ እኪ። እብ እማመት ክልኤ ለሐሰየ ለውሓትኪ ኦክክ ኡኪ ከሰኪህን።

- ኢፋሉ። እት ሸረክዬ እግል እክረዮ ክልኤ ለውሓትዬ አለአትሐዘዮኒ።

ኡቱኩ እለ ደማንት ለወለት እትረሐ ዐለት እለ ዲብ ህመት ካርየተ ዐለት። ወላመ ደማንት ሸክ ዋድየት እት ዐለት።

- እነ ደረሳይትኪ ሰበት ኦካ። ለሐሰየ አሸቃላትዬ እግል አርእዮ ሰበት ሐዘኮ ሌግ ቱ።

- ሐምደኪ። ምናተ እንቲ እት



መሐጠትላ ገጠር እምበል ሐዳት ዛጃታት እት ኢኮን ክም ኢተሃጀ'ኩም ዳግመት እዬ ዐልኪ። ከእብ ሚሰብብቱ እለን ክልኤ ለውሓት ለህብኪህ?

- እግል አርእዮተን ገለድ አትየት እሉ ዐልኩ። ወምሰምሰ ዓዱ ለእርኤ እበ እት ሕግዘት ዐልኩ። እት ክምሰልሁመ። ረድ ፍዕሉ ወእት እለን ለውሓት ለለህይቦን ተዕሊቃት እግል እሰመዕ ወቅልት ሸንህት ዐለት እግልዬ ...

- ላኪን ህቲ ኢጸንሐኪ

- አይወ፣ ላኪን ክም አቅበለ እግል ክልኤ ለውሐት ክም ልርእዮን እመር ቱ። ወእምበል ሸክ ሐቲመ እግል ልፍህም ምንን ኢኮን።

- ክምእነ እት ትብሊ ትክልጢ ህሌኪ።

- እት ለእለን ከትብ ርዋያትመ ረኡኪ ምን ገብእ ምን “ወለት ዐሰር ሰበ ሰነት ሸንብሬቦት” ለተሐይሰ ኢኮትብ።

- እሊ ከለዋ ቱ። እንቲ እለ ርዋየት እለ ለተኡትሕይሰ እበ በጠለተ እነ ሰበት ገብእት ወህቱ ዲበ ሰበት አምሰሌኒ ቱ። ሐር ህዬ ሹባን ዳኦመን እብ ሰብብ ሸቦት ለልትኩቱብ አክትቦት ፈቱ።

- ምሰል እሊ ኩሉ ላኪን። አሰይድ ኡኪ እዜ ምንዲ መይት። እግል ዲመ አልዳይም ለኩብር ኩቱቡ “ወለት ዐሰር ሰበ ሰነት ሸንብሬቦት” ሌግተ። አማንዬቱ ሚኢኮን?

ኡቱኩ ለአጫብዐ ምነ አጫብዐ ካይት እንዴ ሰሐቦተን ወለ ኡብራክ ኬን እንዴ ደረኮቱ ምኑ ሓርቀት እት እንቲ ክምእነ ትብ።

- ምን ፈድልክ እሊ ክም እነ ልብ ለቀርሕ ህገጊት ኬን ቤሉ!

- አሰክ እለ ዐደድ እለ ህሌኪ ዲቡ? (ካይትመ እብ አንክረ ለክርን ሸውክት ዐለት) እብ ሰብብ መርባትመ ምን ተሃጊኮኪ።

- እግሉ እግል እዳፍዕ ...

- እለ ምን ገብእ እሊ ... ሻማት ኒበሉ?

- ምን አመረ።

- ኡቱኩ ምነ ጸሓይላ ወርሕ ለእት አፊት ዐለት እንዴ ቀንጸት ቤት አቲት። ካይት ላኪን ብግረ ኢገብአት። እበ ክልኤ ረሓተ ገጸ እንዴ ከድነት። ከለ ክርን እት ተአርዐዴ ክምእነ ትብ።

- እነ ምን ኩሉ ቀልብዬ ክም እፈቱኪ ተአምራ። ወሰብብ ሐያትዬመ እንቲቱ። ላኪን አርት እግል ኡኪ ለመሰል ...

- ካይት። ሳምሐኒ፣ እሊ ኩሉ እት ጀረ ዲቡ ወቅት እነ ወሌተት ዐሰር ሰበ ሰነት ዐልኩ።

- መርባትኪ እግል አቅሰንቱ

- ወለ መርባትዬመ ምን ተአቀሰኒ። እሊ ሻምዬ ለለአትረሰዐኒ ጋር ኢኮን።

ካይት እብ በነ ትንሰቅ እንዴ ዐለት። እት አፊት አማደደት።

- ኡቱኩ። ለእለ ተህድጊ ዐልኪ ሰብ ተብዕን ለትጸባኒ እሊት እንዴ ይእገብእ ... ለሰረትዬ አዲግ ርሊመ ... ምን ፈድልክ፣ ብራቅዬ እት እነ ርሰሚኒ።

- አተፈግኩ፣ እለ ሸንህት እለ እብ ኩሉ ቀልብዬ እግል እውደየ እግልኪ።

- ኡቱኩ እለ ወዴኪ እግልዬ ምን ገብእል ምን ሰድ ወለዐል እብ ፈርሐት ወለውቀት እግል እሸዐር ቱ።

ኡቱኩ እግል ጅነት ለቀደም ዶል ወልደተ ለከሰሰ ብዝሓት ተክጢጣት ራሰመት ዐለት። ከክም ምስጢር ዓቅቦተን ሰበት ዐለት እግል ካይትመ እርኢተንተ የዐለት። ወእብላህን ሰፍታት ዋድያት ዐለዮ። ምናተ ኡቱኩ እት “ዐሪግ ሕጻን አሰክ ሰመ” እግል ትሰመዮ ሓሰበት ለዐለት ሸቅለ እግል ትትንፈዕ እበን ተሐሰብ ዐለት። ዲብለ እብ ውላድ ምፍጋር ጸሓይ ለትረሰመየ ፍሱማት ናይ መላእክት አው ሱረት ጀኔታይ እግል ትርኩብ ብዙሕ ፍትሸት ዐለት። ላኪን ለአውጀህቶም ለሸዳገታት ወምን ዓፍየት ሙሉእ ምሰለ ሐዘክ ኢትዋፈቀ እላ። ምናተ ብዝሓት ናይ በዲር ወሰኒ ኡሙራት ሰወር ናይ “ኮሶዳሽ” ርእየት ዐለት። ሐቲ ምን። እግል ያግንዩን እብ ግርመተ ወሐሳሰየተ ለአትፈከረት ሱረት ናይ ጀኔታይ ቱ። ላኪን ኮሶዴ ዲብ እለ ሱረት እለ ናይ አማን ጀኔታይ ኢኮን ለዐለ። ወአሰክ ሰመ ዓርግ ኢዐለ። ኡቱኩ ዐሪግለ ጅነ አሰክ ሰመ ብዙሕ ሕሰርት እቡ ኢዐለት። ልትካዩል እለ ዐለ እት ኢኮን። ሐቲ አምዕል እለ ለውሐት እለ እግል ትትዐወት እግቱ መሰለክ?

ልባብ

ትም ሐት - ሐቲ ዶል ዐቅል ተ!

ሰለሰ ነፈር እዕዳም ተሐከመ ዲቦም። ከእበ ስጋድ ለትቦትክ አለት (መቅሰለት) አሰግድቶም እግል ልትባተክ ልታከው ዐለው። ለጀማዐት። ዓልም ዲን። መሓሚ። ወፊዝያኢ (ዓልም ጠቢዐት) ቶም ለዐለው።

እት ዶ'ለ እዕዳም እት ሰልፍ (ዓልምላ ዲን) መጽ። ረአሱ እት ሐንላ መቅሰለት ከረዉ .. ከትሰአለው። እት ደንጎበ እግል ቲበለ ለትትሸኪህ ሚ ብከ? (ዓልምላ ዲን) ክምእለ ቤሉ። ረቢ .. ረቢ .. ረቢ .. ህቱ ናሱ ረደአኒ።

ሐቆ እለ ለሰጋዱ እግል ልትለንፊ። ለመቅሰለት ሐብል ጠለቀው እለ ከተርግ አበለወ እቲ። እት ትሸልህት ትከሬት ከዶል ለረአሰለ ስጋድላ ዓልምላ ዲን በጽሐተ እት እካነ በዋረት። ለአዳም ክሎም ትፈከረው፣ ወክም እለ ቤለው። እሊ ዓልምላ ዲን ጠሉቁ። ግድም ረቢ ክም ፊተ ወደ፣ ወዓልምላ ዲን እብላህ ምን ሞት ትንጀ።

ሐቆ እለ ተረትላ መሓሚ በጽሐት፣ እት ሐንላ መቅሰለት ክም አተክረረዉ ትሰአለው። እት ደንጎበ እግል ቲበለ ለተሐዘ ሚ ህሌት? ከክም እለ ቤለዮም። እነ ክምላ ዓልምላ ዲን ረቢ ይእ'ምር። ምናተ እብ ክሰሱ ፍትሕ ብዙሕ አ'ምር። ፍትሕ .. ፍትሕ .. ፍትሕ ሌጠ እግል ለአድሕኒ ቱ .. ለመቅሰለት ክም ጠለቀው እት ትትሸልህት ትከሬት። ዶል ለእትረአሰለ ስጋዱ በጽሐተ እት እካነ ህንጦጠለት። ለአዳም ተዐጀበው፣ ወክም እለ ቤለው። ለመሓሚ ጠሉቁ። ፍትሕመ ዘዐቱ ብህል ህላ። ወለ መሓሚመ እብላህ ምን ሞት ተርፈ።

ሐቆ እለ ተረትላ ፊዝያኢ (ዓልም ጠቢዐት) መጽ። ከትሰአለው። - እግል ቲበለ ለተሐዘ ሚ ብከ? ክም እለ ቤሉ። እነ ክምላ ዓልምላ ዲን ረቢ ይእ'ምር። ወክምላ መሓሚመ ዐዳለት ይአምር ወፍትሕ። ምናተ ሐብ'ለ መቅሰለት ዕቅደት ክም ብእቱ ላቱ ሸክ አለብዬ። ከእለ ዕቅደ'ተ እግል መቅሰለት መትከራይ ትከለኦ ለህሌት ቤለዮም። ለመቅሰለት ምን አቅመተው እብ አማን ዕቅደት ጸነሐቶም እት። ለዕቅደት ፈትሐወ ወእግለ መቅሰለት እትለ ስጋድላ ፊዝያኢ ከረወ ወሰጋዱ ቀርጨው። ከለአማን ወለ አም'ራመ እት ኢኮን። ዶል ሐቲ ለአፍክ ትም አበሎት ለባበት ቱ።



ተበሰም



አርት እናሰ እሊቱ ኪሎ ሰገ እንዴ ትዛበ እለ ትፈረረ ምኑ። ሐር ክም ዔረ ለሰገ ኢጸንሐዮ። ከለሰገ አየ ህለ? እት ልብል ትሰአለዮ። ህተ ህዬ ለድሙ በልዐቱ ቱለቱ። ለእናሰ ለድሙ ሀረሰየ ወእት ሚዛን ሰቅለዮ። ለሚዛን ሐቲ ኪሎ ሌጠ ገብአ። አሰክ እሊቱ ትወለበ ወክም እለ እት ልብል ትሰአለዮ። አሃ። እለ ኪሎላ ስጋተ። ለድሙ ህዬ ክም ከፎ ረትዐት?



ገዢዎቻችን ለህዝብ ጥላቻ

ከሚያ 20 የንዮ 2024 ለቀሌት ምዕል እት ወደኅ አውራጃት ሽዑብ ኤረትሮፕ ተ። ሕገ ኤረትሮፕን እት ዐድ ወካይ እግል ጀለ ተሕሪር ወእስትቅላል ወጠን። ጀለ ደሐን ወመንገሪ ሽዑብ ለአስተሳሰብ ውፍራስ ለእንፈቅድ እተ አምዕል ተ።

አበለ እት ሚዳን ሄለል ሰብተምበር እግል ትጀመሪ ሽዑብ ወማርሐቱ ለነይት። ኤማን ለለዐንድቅ። ወፈራሰት ሹሀደ ለለትፋቅድ በራምጅ ፈን ትቀደመ። ፈጅራተ እተ ምዕል ሹሀደ እብ ደረጀት ወጠን ለትዘከረት እተ



እለ አምዕል እለ እብ ሐዘን ወብካይ ኢትን ለትፈቀድ። እብ ሐዘን ወፋሽ። እብ አትሐደሶት እማነት ወገለድ ትትፈቀድ። ክል ምሮ እበ እለ መልክ ምህነት ወብሰር ሀዬ ሰሚቶም ለትወቅል ሓጀት እግል ሊዴ ለሐዘ። ለመውሀበት ፈን ክም ሕላይ ወሸዕር። ተማሲል ወረሰም። ነቁሽ ወብሰር እዴ ለመልኮ ሀዬ። ተረቶም እት ረፈዕ መዕነውዮት ወእት አርትዮት መርበይ ሰኒ ዐባይ ምንገብአት መባደራት ሰኒ ነሰእ።

ሐረት መቅበረት ሹሀዳመ ፈርዖት ፈን ወሐዘ ወተንከረ። ፈናኔን ሕሸመት እለ ምዕል እለ ለዐል እግል ልወቅሎ እብ መባደረት ናሶም ጀለ ራሐት ደሚሮም ቶም ለሸቁ። ከእንዴ አትሌን ገሌ ምን እሎም ፈናኔን እሎም ለቀደመዉ አሸግር እግል ንቀድም እግልኩም ተ።

የም ዓመት ሸሀር የንዮ እንዴ ኢልትከፈልቱ በራምጅ ዘክረት ሹሀደ እግል ልትነዘም ለአንበተ። ሐድ ምን ብዙሕ ምን እንዘክር። አምዕል ሹሀደእ ኤረትሮፕ። “ብሰርን እግል ሹሀደእን” እት ሐንቲለ ትብል ሰቅራት እብ ፈናኔን ለትነዘመ በርናምጅ። እት የም 15 ጁን ዲብ ቃዕት ሲነመት-ሮመ ቀርበ።

ሀድእ በሎ
የም አምዕል ዘክርተ ሀድእ በሎ
ዘክር ሐዘን ሕቡናም ክሉ መዋዋን ልውዕሎ
ዘክር ልብ ወዐቅል ለረአሰ እድንን ለአብሎ
ዘክር ለሸምዕት ትብክዮ ወእብ በርሀት ትወክሎ

የም ዐሰር ሴዕ እለ ክሉ ሸዋርዕ ሰርጉይ እብ በርሀት ሸሚዕ እብ አንሰ ወተብዕት አሕድ ነቅም አለቡ ወአሕድ ሰምዕ ክሉ ሸሙም ዲብ ዘክር ምንቱ ረአሰ ለረፍዕ

ንኡሹ ወዐቢሁ ክሉ ሸምዕት ጸብጥ ዲብ እዴሁ ወምሰለ ዲብ ዳግም ዲብ ጅዋሁ ዲብ ናይ በኩ ምድሩ ወሰማሁ

እብ ዕንታቹ ዲብ እሰርቅ ወእትሐዋረር አትቃመትክምም ክሎም ምን ጀፈር

ልትወለበኒመ ኢረኩብኩ ወለ ከበር! ምርኩ ዲብ በሐሩ ከፎ ልፍገር

አቤ በሐር ዘክር ሰብ ሐዘን ዐቢ ቀረ

እብ ቀሊልመ ፈግር ለዲበ ትክረ

ዲብ ተእሪክ ወምስትንክር

ለእብ መዓወነት መፈወድዮት ዓዳት ወርዶደት ለገብእ ወገዳይም ወሐዳይስ ፈናኔን ለሻረከው ዲቡ ‘በርናምጅ ዘክረት ሐዘን’። ጅበት ሕሸመት እንዴ አልበሰውን ለሐልፈው ሹሀደእን እግል ንፍቀድ። ክምሰልሁመ ለሐድገወ እግልን እማነት እግል ንሐዋዋ ለከሪናሁ ቀሰም እግል ነአትሐድሰ ለአመመ። ተእሪክ ፍራሰ-ሹሀደእ ለወክል ዕፌ ዓዳት ወፈን ቃርብ እቱ ዐለ። ሰልፋ ሀዬ ኢትን። እት ሰነት 2018 ለአንበታቱ። ቀደም እለ ክልኤ ዶል ዲብ ፓርክ ሹሀዳእ። አርበዕ ዶል ሀዬ ዲብ ሐ’ረት እሰብዳልዮት እርተ ጋብእቱ።

እት 19 የንዮ እብ ቦርድ መሓብር መናድሊን ለትነዘመ በርናመጅመ ዲብ አቅሊም ምግብ እት ማይ ድምነት ጋብእ ዐለ። እትሊመ ምን ግርዘ አሰክ ዐቢ ለሻረከው እቱ ፈርዖት ፈን ትቀደመ።

እተ ምሴተ ምዕል መብረሀት ሸሚዕ ምን ሻሬዕ ሹሀደ እንዴ ትብገሰ እብ ሻሬዕ ሐርዮት እንዴ

ዲብ ለሐምሰ ምርወት ወኤማን እንዴ ወርሰ ገለዱ ለአተርድ ወለአትሐድሰ ወጠንዮቱ ለዓቤ ወለአትሐድሰ በሐሮም ምን ጨበለ ገሌ ሀርሰ

ዶለ ደቂቀት ዘክሮም ክሉ ሀድእ ልትሐረክ አለቡ እምበል እንብዕ

ሀድእ በሎ ግምሽ እቤለ ሀድእ ለለአብል ዘክሮም እንዴ ሀለ እብ ዐብደልቃድር ብሉሕ

እሙን እት አማነት ምንቱ!

እሙን ዲብ አማነት። ዳምቀት ለሰሜቱ በዐል ማሌቱ። ለሓድግ አማነቱ ማ በዐል የምቱ። ቦባሩ ወፋሻቱ ወለ በዐል ፈጅርቱ። እብ ትልሙ ወሰታቱ።

ጸጋይቱ ሚውሕር ለዶል ረሀዮት ለአትሳቅር ፍጅዕቱ ሚሓዋር ለአሰክ ሃይሞት ለአሳድር ጋናቱ ሚቅሩብ ለዐድ ግዕዝ ለሓድር።

ሕያይቱ። በዐል ትንፋስ ደም ወዓጭም ወላ ማይትቱ። ነብር ሐንቱ መላግም ተብዐትቱ። ለአነ ልብል ሓክም ወለ አንሰይተ። ለእምበል ዕርፍ ትክድም።

ምንቱ ራፍዓይ እለ ዘዐት። ለቆሪ ተርጀመተ እብ ፍዕል ለአርአቱ። ሚእብ ትምኔት ለሀርኩተ ሓዋዋ እት መብዳእ ቱ። ለሰላም ጋብእ መንገአተ መፈታይ ርሐቱ። ለውሕር ምግባተ ፈታይ ዐዱቱ። ሰድቀት እት ክል ፈርደተ ሚፈታይ መሳልሐቱ። ናዩ ወናይ ጸሩ ከማተተ ለዴቅባይ አፈታቱ። መለ

ወለ ሀዶብ አርወሐትቱ። ለአድማዩ ኢዘፈ ማሌ እት ግራኑ። ዲብ ከድኑ ለተርፈ።

ዳርግ ንሳሉቱ። ለማሕበር ሀርመች ገርጅብ ለዕጹምቱ ገብእ። ምርኩብ ብዕዳም ለኢረቅብ ወለ ለህኩይቱ። ለእት ምግሳዩ ደራብብ ባይተት እንተ ኩብዱ። እዴማኑ ለኩብብ ንፈክር ወንሕሰብ። ለሰአል በሊሰ እግል ልርኩብ።

እሙን እት አማነት። ጹዱቅቱ ወጸጋይ እብ ልቡ ለለዐቅብ። ከረም ልግባእ ወሐጋይ ሐዋር ብትክት ጎማቱ። ፈረሀ ኢትን ወሰካይ ፈርሐትቱ ምን ሐዘን። ምሕልቱ ምን ብካይ ኑርቱ ምን ጽልመት። ጽላልቱ ምን ጸሓይ ሰላምቱ ምን መእከይ። ከብን እለ እት ምዕዳይ ገለብቱ ምን ብቆት። ኢለአምሩ አትሐጋይ እብ ሰሚቱ ገንድሎ። ራፍዓይ ኩሉ አብለዋይ።

አማነት ገለድተ። በዐል ወዐዱ ለኢጠልም ጀለ መላዩን። አላፍ እሎም እት ሻምም ረሕመትተ። ዐስተር ቃውዐት ተአዘልም ለሀይክ ምን ለሀይ ወርሱ። ተሓጌ ወተአክርም።

ገለድ እማነት። በዐሉ ነብር ብግሩ ሃይብ እንቱ ሕረዩ። ኢሳድዱ ግሩ ሰርዑተ ሄዱ። ሸምበር ወጸርጸሩ ብትር ሚቡ እምበልሀ። ጋሻዩ ወሐዳሩ እክል ኢትን ወሐሊብ። አማነትተ ክሳሩ።

እሙን እት አማነት። ለቆሉ ኢበድል ለበሊሰ ሀለ ባኩ። ላብብ ላቱ ወዓቅል ሰአል አርወሐት። ዔብ አለቡ ወክጅል ለእሙናም እት አማነት። ሕናቱ ኒበል የ’መ ክም ማሌ። ኢልሰከሮ ሰብ ድመል!

እሙን እት አማነት መን ቱ።


እብ እሙን መሳ ለትቀደመት ወእብ መሳ መሓመድ አድም ለትዳሌት



ሀቱ። ሳክብ ለሀላቱ። ሚግሱይ ወፋዜዕ ሕጅብቱ። ወለ በዐል ዕንታት ግቁዕ ዐቢቱ ገብእ። ለጽዋሩ ሰሐል ወግቁዕ ወላ መንደላይቱ። ለጸር ክቡድ ራፈዕ።

ሕጌለ ቅምቤተ ሚፈታይ ወጠኑቱ። ለቃልዮት ዲቡ ሰሚተ።

እሙን እት አማነት። ለሀላቱ ሚ ለሐልፋ እት ሰብ ግርበተ ሀለ። ሚእት ሰብ ሰልፈ እብ ገጽ ለትዋዳቱ። ወለ እብ ድጉል ለከርፈ በዐል ለሀበትቱ። ለክም አፎት ሸክፈ



ፈሪቅ በሐርቀየሕ እት ማርሐቲ ተሐፈዘ



ሻምፕዮን ሱፐር ዲቪዥን 'ኤ' ኩረት እገር አቅሊም ምግብ ለሐላፊት ሰንበት ዐባይ እብ ክልኤ ትልህ ዲብ ስታድዮም አስመረ ዲብ ለአተላላ ዲቡ በሐር ቀየሕ ወአልታሕሪር ዐውቲ ሰጀለው።

እግል እሊ ጅግረ እሊ መርሕ ለሀላ ፈሪቅ በሐር ቀየሕ ምስል ሸሪክት ሰምበል ተልሀ ዲብ 20 ደቂቅ መድሃኔ ረድእ እብ ሰጀለዩ ሀደፍ 1እብ 0 ተዕወተ። እብሊ ሀደ ማርሐቲ እብ 31 ኑቅጠት እግል ለሐጥጥ ቀድረ ወመድሃኔ ረድእ ለሐሰ መተልሀይ ናይ እላ ትልህ እግል ልትበሀል ቀድረ።

ቀደም እሎም ሳዐት ክልኤ ሐቅ አገዛር ነፍሰ ዮም ሰንበት ዐባይ አልታሕሪር ወጎዳይፍ ሰልፋይ ናይ ካልኣይ ዱር ትልህያም አሰተብደው። እብ 16 ኑቅጠት

ራብዓይ ደረጃት ለዐለ ፈሪቅ አልታሕሪር ምን እብ 7 ኑቅጠት ሳምናይ ደረጃት ለሀላ ፈሪቅ ጎዳይፍ እብ ለተትአማምን ነቲጀት ሰለስ ኑቅጠት ነሰኦ። ማርን ዐንዶም ዲብ 33 ደቂቀት እብ ሸጀለዩ ሀደፍ ለመርሐ ፈሪቅ አልታሕሪር ሐቅ ዕርፍ ዲብ 58 ደቂቀት ሐቲ ምን ማርን ዐንዶም ወክልኤ ሀደ ምን ዮናታን ተኸሰቲ ሀደፍ እብ ሰጀለት እብ ርሐብ 4እብ 0 ተዕወተ። ዮናታን ሀደ ናይ እላ ትልህ ለሐሰ መተልሀይ ትሰመ።

እሊ ጅግረ ፈጅር ከሚሰ ፍሪቅ ደንደን ወገዝ-ባንደ፡ አስመረ ቢረ ወማይ ተመናይ እብ ወደወ ትልህ እግል ለአተላላቲ።

እሊ ክእኒ እት ሀላ ሰቡዕ ፈሪቅ እንዴ ጸብጠ ለአተላላ ለሀላ ሻምፕዮን አዋልድ አንሳት

አቅሊም፡ ሰንበት ንኢሽ ለሐላፊት ናይ አወላይ ዱር ጅግራታቲ አትመመ።

እተ አምዕል ፈሪቅ ገጀረት፡ ምን ሰኒት ሰዩም፡ ማላት ረድእ፡ ዩሰረ ኢብራሂም፡ ፍርቲነ ገዛኢ ወዩርካቤል ክፍሎም እብ ለረክበዩ አህዳፍ እግል ፈሪቅ በሪክ 5እብ 0 ቀልቡ። ዩሰረ ሀደ ለሐሰት ሳዕበት ትሰሚት።

እምበል እሊ ፈሪቅ ደንደን አርበዕ አህዳፍ ምን ድዶን እሰቲፋኖሱ ሐትሐቲ ሀደፍ ሀደ ምን አድያም ዐንደብርሃን፡ ፍትሐዊት ዮውሃንሱ ሄርሞን እዮብ ወጤኑሰ ሀይሌሰላሴ እንዴ አሰጀለ እግል ፈሪቅ ሰምበል 8 እብ 0 ቀልቡ። ዲዶን ናይ እላ ትልህ እላ ለሐሰት ሳዕበት ክም ሰሚት ሀደ ዕላቃት ሳም ናይለ ፈደሬሽን ሐብረ።

ሳምን ርደደት ቅደደት ምግባይት ለአተላላ

እብ መናሰበት አምዕል ሹሃዳእ እግል ሰለስ አምዕል ዑሩፍ ለአሰመነ ጅግራታት ርደደት ቅደደት ምግባይት ዮም 22 እት ደቅምሐራ አተላላ።

እብ አሳስ እሊ ናይ አዋልድ አንሳት ፈሪቅ ሂላል ቀደም ዕርፍ ንዶት መድሃኔ ወቅሳነት ተክሊት ሐቅ ዕርፍ ሀደ ንዶት መድሃኔ እብ ሰጀለቲ ሀደፍ 3 እብ 0 ቀልቡ።

እንዴ ተለ ፍሪቅ ውላድ ደምሐነ ወሂላል ተልሀው። ሂላል እት 32 ደቂቅ ሚካኤል ይሕደጎ እብ ሰጀለዩ ሀደፍ 1እብ 0 መርሕ ዐለ። ምናተ ናይ ደምሐነ ሚንኣብ ሐዩሎም ዲብ 38 ደቂቅ ለሳዌ ሀደፍ ሰበት ትሰጀለ እግል ዕርፍ 1እብ1 ፈግረው። ሐቅ ዕርፍ ለትሰጀለ ሀደፍ ሰበት ኢትረከበ ሀደ እብ ተሳዊ ትፈናተው።

ሐቅሆም ፍሪቅ ነቅፈ ወሂምባል ተልሀው። አቤል ረከኔ ምስል ቦርቲሌ ገጽ እትገጽ እንዴ ትራክብ ለሰሕተዩ ወሚካኤል መሓሪ እግል ረከበዩ ልዳት እንዴ ሸክዐት ለፈግረት ምኑ ኩረት፡ ምን ፈሪቅ ነቅፈ ለከሰሪዩ አህዳፍ ዐለ። ዲብ 51 ደቂቅ ላኪን እብ ገበይ ሄኖክ ተሰፋገርጊሽ ማርሐት ለአጸበጠዩ ሀደፍ ሰጀለ። ሂምባል ሀደ ዲብ 84 ደቂቅ እብ ገበይ ሪገሌ እብ ዳንኤል ገብረዮሃንስ ለሳወዩ ሀደፍ ሰበት ሰጀለት 1እብ1 ትፈናተው።

ዐጀላት፡ ተድራብ መደርቢን ተመ



ወጠንያይ ፈደሬሽን ብድረ ዐጀላት ኤረትርዮ ምስል እድንያይ መሕበር ጅግረ ዐጀላት እብ መትግምን ለሀይቡ ለአሰመነ ናይ ካልኣይ ደረጃት ናይ መደርቢን ተድራብ ለሐላፊት ሰንበት ንኢሽ ተመ።

ለምን ዮም 17 ጁን እንዴ አሰተብደ ዲብ አስመረ ልትሀዩብ ለአሰመነ ተድራብ ምን ካምል ወጠን ለትወከለው ሐቲ ወለት አንሳይት ለትረከብ እቶም 16 መደርቢ ቫረከው እቲ።

እሊ እብ በዐል መቅደረት ተድራብ እድንያይ መሕበር ብድረ ዐጀላት (U.C.I) ወድ አዩርላንድ ላቲ ሚስተር ብርያን ኑጅንት እብ ዝዘር ወፍዕል እንዴ ተለ ለትሀዩብ ድሩሱ፡ አህምዮት መንገፎ እት ጅግረ፡ ዓፍዮት ወዕሎም ድራሳት፡ መገደእ በቃዕት መትግግረት፡ ተሕሊል ወመራቀብት ኣሕዳሱ።

እግል ተቅይም ጅግራታት ውብዕድ እቲ ለረከበ ዐለ።

እት መከለሲ ናይለ ተድራብ፡ ርኢስ ናይለ ፈደሬሽን አሰይድ ተመሰገን ረዳእ እተ ለአሰመነ ከሊመት መደርቢን ለረከበው ድሩሱ እብ ፍዕል እግል ልሸቀው እቡ። እት ክል አቅሊም ተጃርቦም እግል ለአትሐላልፎ ወለ ወርሰ እጅያል እግል ለአፍሩ ትፋን። እብ ፍንቲይ እግል አዋልድ አንሳት ለደርቦ ሸቅል ዐቢ ልትጸበርም ክም ሀላ ሀደ አትፋቀደ።

ለመደርቢት እብ እንክርም ለትሀዩብም በክት እት ለሐምዶ፡ ሀዩቦም ለሀለው ምህም ድሩሱ እብ ዋጅብ እግል ልሸቀው እቡ ክምቶም ገለድ በይአው።

ሚስተር ኑጅንት ኤረትርዮ ወቲራሰ ለለርኤ ሀዩባት ምን ወጠንያይ ፈደሬሽን ወደረሰ ክም ታህዩቦ ዕላቃት ሳም ናይለ ፈደሬሽን ሐብረ።

ብገዛል ሐቅ ነይማር ለአፍሬቲ መተልሀይ



ናይ ብርግንዩ ናዲ ቼልሲ ለአፍሪዩ ሐዲስ መተልሀይ ኤስተቫኦ ዊልያም "ሐቅ ነይማር፡ ብራዚል ለአፍሬቲ ናይ ሰልፍ ፈዳብ መተልሀይ" እት ልትበሀል እብ ብዘሕ ጃንብ ዐጀብ ረክብ ሀለ። ቼልሲ እግል እሊ ወድ 17 ሰነት መተልሀይ እብ 48 ሚልዮን ፓውንድ አስክ ስታንፎርድ ብሪጅ እግል ተአምጽኦ ክም አተፈቀት ልትአመር። ኤስተቫኦ ዊልያም እተ ትመጽእ ለሀሌት ሰነት 18 ሰነት ሰበት ወዴ ፍሌንዮት ናይ ቼልሲ እንዴ ለብሰ እግል ልተልሂ ኢታን። ምናተ ምስል ፈርመቲ ለከረ ባኩ ኤኳዶር ለዐዱ ከንድሪ

ፓኤሽር አስክ ስታንፎርድ ብሪጅ እግል ሊባሎቲ።

እሊ መተልሀይ ፍሌንዮት ፓልሚራስ እንዴ ለብሰ 22 ትልህዩ

ሌጠ ምንመ ተልሀ፡ ምን ወክድ ዲብ ወክድ እብ ለእርአዩ በቃዕት ላኪን እህትማም ብዝሓም ዐባይ አንድዮት እዲን እግል ልሰሐብ ቃድር ሀለ።

እት ሰነት 1994 ምስል ፈሪቅ ብራዚል እንዴ ገብኦ እት ካሰ ዐለም ለትወቀሰት አካን ለዐለት እሊ ወእትሊ ወክድ እሊ ክም መመቅራላይ ናይለ ወጠንያይ ፈሪቅ እንዴ ገብኦ ሸቄ ለሀላ ብራትን። እግል እሊ መተልሀይ ዲብ ካሰ ዐለም 2026 ሰእዮት ብራዚልይን ክምቲ ሸህድ እግሉ ሀለ።

እት ስታዲዮም እንዴ ሰክበ ለትረሰዐ መሰጅዕ

ምድር እተ ድቡእ ለዐለ አዳም ለኢአለቡ ስታዲዮም ናዲ ሻልክ 04 ሐሶሱ። ወጠንያይ ፈሪቅ እንግሊዝ እተ ትልህዩ እብ በሊንግሃም ዲብ 13 ደቂቅ ለሰጀለዩ ሀደፍ 1እብ 0 እንዴ ተዐወተ ፈግረ። ለመሰጅዕ ሀደ እግል እሊ ናይ ሰልፍ ዐውቲ እተ ስታዲዮም ክም ዐፈዩቲ ሰክብ ለነሰአዩ።

ህቲ ክም ሐሶስ እተ ብራቁ

ለዐለ ስታዲዮም እንዴ ትሰወረ ዲብ ወሳኦል እዕላም ዲብ ልሸሕት ትረኦ። ዲብ ለነሸሪዩ ሰወር ወሐብሬ ሀደ መላይን አንፋር ክም ትፈረጀው ወትዐጀበው ተአመረ። ጽብሓት ምድር ክም ቀንጾ ለስታዲዮም እብ ብርድ ዲብ 14 ዲግሪ ሰንትግሬድ እተ ለዐለ ዲቡ ወክድ እብ ብርድ ክም ተዕበ ለርኤ። እሊ 62 አልፍ ሸዐብ

መሰጅዕ ለጸብጥ ስታዲዮም ሻልክ ወለ ምር ነፈር ኢዐለ ዲቡኒ አንዋሩ ላኪን ቃሰን ኢዐለ። ሐቅ ለገብኦ ትልህዩ አምን ናይለ ስታዲዮም እግል ሐረት እብ ካምል ቶም ለከሉሉ ወለፈቲሹ እሊ መላይድ እሊ ላኪን እግልሚ ኢትረከበ ወለአንዋር እግልሚ አስክ ሳዕት 4 ጽብሓት ምድር ኢቀሰነ ብዝሓም ምን ለአትሃኔ ለህላቲ።



ወጠን እት ዝክረት ሐበን!

20 ኛን 2024



ዲዛይን - ታእዛዝ ኣብርሃ ሰወር
-ታእዛዝ ኣብርሃ ኣክሊሉ ዘርእዝጊ ሳልሕ ዓብደልቃድር